

九家舊晉書輯本

四





卷之二

目錄

一

二

三



九家舊晉書輯本

(四)

湯球輯

王隱晉書卷七

愍懷太子

愍懷太子名遙。字熙祖。初惠帝晚成。武帝遣才人謝玖給事惠帝。因而一作是有娠。臨娶賈妃。遣致一作迎。

西宮。遂生愍懷。與諸王子共戲。惠帝來朝。謂諸王子也。執其手。世祖曰。是汝兒也。乃縮手。自初惠帝以下。依初學記十御覽。

三百七十補。太子少聰惠。武帝愛之。六七歲時。帝夜望火。太子牽上衣裾。使入闈中。上問其故。太子對曰。暮夜

倉卒。宜備非常。不當親近火光。令人照見也。此節亦見類聚十六。又嘗見官養猪肥大不常。復問上何不殺以賜左

右。而久費五穀。上即烹之。由是益奇之。常稱以為似宣皇帝。亦以東宮無嫡。有託後之意。太康十年。詔曰。

遙既長且仁。可令以遙為廣陵王。以廣陵臨淮為封國。邑五萬戶。及世祖崩。惠帝即位。立為皇太子。詔曰。

遙尚幼蒙。今出止東宮。雖當賴師傅羣賢之訓。其遊處左右。宜得正人。與共周旋。能相長益者。太保衛瓘。

息庭。司空司馬泰。息略。太子太傅楊濟。息愆。太子太師裴楷。息憲。太子少傅張華。息禕。尚書令華。廩息恒。

並以道義之門。有嚴肅之訓。其令此六人更共往來。其後太子好卑居。當作車。小馬。小牛。令左右騎。斷羈勒。

使墮地。又令人屠肉。已自分齊。手揣輕重斤兩不差云。其母本屠家女也。故太子好之。五字依書鈔補。頗好遊宴。

或闕朝侍。稍失儲副望。洗馬江統等諫曰。宜諮詢保傅。引見賓客。悉得自盡。有增博見益多聞。自洗馬以下。依御覽四

百五十三補

東宮舊制。月請錢五十萬。以共衆用。惑懷太子。恆探取三月。以供賤妾。舍人杜錫數諫。太子後取

鍼著錫常坐處。氈中錫上牀刺足血流。

此節依御覽八百三十補。

賈后無子。妬害滋甚。九年正月。月暈。赤黃數重。三月

十八日。滎陽河南。潁川。繁霜殺桑。及桃李杏花。尉氏雨血。有聲若牛出許昌城。夏。桑生于東宮西廂。日長

尺餘。數日枯。日中若飛燕者。積數月。漢中平中。亦有此變。皆爲太子也。賈后作頡字髻。太子見易之象也。

是時童謠曰。東宮馬子莫聳陸。前至臘月纏汝髮。十一月。天連日大風。發屋折樹。十二月二十八日。后遣

宮婢賚書與太子云。陛下昨夜不快。汝可入朝。太子如令請朝。詔聽二十九日入朝。賈后不見。置于別室。

使婢陳儻

一作舜。

賜棗酒三升。強使飲。太子辭不能飲。而不見聽。儻

原作舜。

逼之曰。不孝也。天賜汝酒。而不飲。

中有惡物耶。太子不得已。強飲。遂大醉。又令小婢承福。以紙筆授太子。使書之曰。陛下不自了。吾當入了

之。字半不成。后補成之。呈帝。

以上依王經侍兒小名錄校補。

誣奏太子有悖書。廢太子爲庶人。

五字依文選晉紀總論注引校補。

徙金墉城。

考竟太子母淑妃謝玖。及太子所幸保林

太子妃類。

蔣俊。及三母弟

自考竟下。依御覽百四十九補。

以千兵防送。幽于許昌

宮之別坊。賈后與賈謐等計。早害太子。以絕民望。三月十四日。矯詔使小黃門孫慮。徙惑懷太子于小坊

中。不與食。乃劫服杏子黑丸。其夜薨。或傳太子不肯服藥。伺至廁。以藥杵撞害之。喚聲聞于外。

自徒惑懷下。依御覽七

百六十二引補。

賈后表以廣陵王禮殯。趙王倫誅賈謐。廢賈后。帝乃使持節兼司空衛尉伊策。故皇太子曰。嗚呼。

維爾少資岐嶷之質。荷先帝殊異之寵。大啟土宇。奄有淮陵。朕奉遵遺旨。越建爾儲副。以光顯我祖宗。祇

爾德行以從保傅。事親孝敬。禮無違者。而朕昧于凶構。致爾于非命之禍。俾申生。孝已。復見于今。賴宰相賢明。人神憤怨。用啟朕心。討厥有罪。咸伏其辜。何補于荼毒冤魂。酷痛哉。是用忉怛。悼恨震動于五內。今追復皇太子。喪禮備制。反葬京畿。祠以太牢。魂而有靈。尚獲爾心。御覽一百四十八。

趙王倫。酖殺賈后。帝詔諡。適為愍懷皇太子。文選晉紀總論注。

趙王倫既廢賈后。皇帝使持節追復皇太子。拜皇孫臧為臨淮王。尚為襄陽王。又詔立臧為皇太孫。趙王行太傅。趙王與太孫俱之東宮。文武官屬。即轉為太孫官屬。車服侍從。皆愍懷之舊也。到銅駝街。宮人哭。侍從皆哽咽。路人泣焉。此節依御覽四百八十七校補。趙王倫篡位。太孫廢為濮陽王。薨。惠帝復祚。立襄陽王尚為皇太孫。薨。諡冲皇太孫。并追諡前太孫為哀皇太孫。御覽一百四十九。

陸機

陸機字士衡。吳郡人也。少襲父二字依通典二十九補。為吳牙門將軍。文選歎逝賦注。

吳平。太傅楊駿辟機為祭酒。轉太子洗馬。同上。

陸機為郎中令。吳王晏出鎮淮南。以機有文學。遷尚書中兵郎。轉殿中郎。書鈔。

機以文學轉中書郎。書鈔。

趙王篡誅。禪詔疑機與焉。收付廷尉。機與吳王晏表曰。禪文本草。今見在中書。一字一迹。自可分別。文選謝平

原內史
表注。

陸士衡以文學為祕書監虞濬所請為著作郎。議管書限斷。初學記十二。御覽二百三十四。

後成都王穎以機為司馬。參大將軍軍事。文選歎逝賦注。

成都王穎討長沙王乂。使陸機為都督前鋒諸軍事。世說注八。

遂為穎所害。臨刑年四十有三。文選歎逝賦注。

陸雲

陸雲字士龍。少與兄機齊名。號曰二陸。為吳王郎中令。出宰浚儀。有惠政。機被收。并收雲。文選大將軍宴會被命作注。

陸喜

陸喜原作嘉字恭原誤文。仲仕吳。稍至屯衛校尉。既名族。有德行聲譽。好學有才思。書鈔

夏侯湛

祖夏侯威。字季權。歷荆兗二州刺史。父威。次子莊。淮南太守。文選夏侯常侍誅注。

潘岳

潘岳字安仁。御覽四百六十五。

清辯能屬文。早辟賈充府太子當作太尉舍人。出為河陽令。以仕次宜為郎。不得意。時僕射山濤領選。岳內

非之。密作謠曰：閣道東有大牛，王濟鞅，裴楷鞅，和嶠刺促不得休。御覽四百六十五

潘岳爲楊駿府主簿，駿被誅，日岳取急對人，朱振代夷三族。文選西征賦注

與石崇等詔事賈謐，搆愍懷之文，岳之辭，謐晉書限斷，亦岳之辭。岳母寒以以當作數戒焉。文選閑居賦注

孫秀誣岳及石崇等爲亂，誅之。初岳父文德茂爲琅邪太守，孫秀爲小吏，給使岳數蹴踢秀，而不以人遇

之也。世說注八

初岳母誡岳以止足之道，及收與母別曰：負阿母。同上

岳母及兄御史釋弟燕、令豹等俱被害。文選閑居賦注

潘尼岳從子

潘尼字正叔。書鈔

祖潘勗，字元茂，值年荒，部曲之家，健兒渠帥，皆素服重名，共相率送迎，道路所在爲儲，以供行資，勗隨主人多少，口率均分，無有尊卑優劣，若所賦已盡，偶有不足，則推己之分以周未遍，父老有頌之曰：且貴且富有南山之壽，吾仍得與潘元茂。又曰：恩不可忘，無如我潘郎。御覽四百七十六

尼聞齊王冏起義，乃赴許昌，冏引爲參軍，與謀時務，兼管書記。書鈔

張載

張載字孟陽。隨父收在蜀。作劍閣銘。刺史張敏表之天子。命刻石于劍閣。御覽五百九十一

書鈔

張亢

張載弟。前烏程令。名亢。依蔡邕。注明堂月令中台要解。又綴諸說。一作脫。麻數而為麻讚。祕書監荀崧見讚。異之云。信該羅麻表義矣。類聚五。御覽十六。

江統

江統字應元。書鈔

轉太子洗馬。愍懷太子頗好遊宴。江統等諫曰。宜諮詢保傅。引見賓客。悉得自盡。有增博見益多聞。御覽四百

五十

統以學義著名。為國子博士。書鈔

江統為黃門郎。作朝會儀。書鈔

孫楚

石苞。秦始之初。拜大司馬。舊參軍于都督無敬。故孫楚抗衡于苞。苞以楚傲。更相表理。參軍有敬。自楚始也。類聚四十七。

孫子荆謂王武子曰。當枕流漱石。曰石非可漱。流非可枕。孫曰。所以枕流洗其耳。漱石礪其齒。御覽五十一。

滕脩

滕脩。南陽人也。御覽五百五十七。

吳後置廣州。以南陽滕脩爲刺史。或語脩。蝦長一丈。脩不信。其人後故至東海。取蝦鬚長四五尺。封以示

脩。脩乃服。御覽九百四十三。

吳平。爲廣州牧。脩在南海積年。爲邊夷所附。卒請葬京師。帝嘉其意。賜墓田一頃。御覽五百五十七。

馬隆

馬隆字孝興。東平人也。少有智勇。門寒無仕進路。兖州刺史令狐愚坐事死。舉州無敢送喪。唯隆以武吏

託稱家客。殯送喪葬種柏。三年禮畢。迺還。舉州皆慙。御覽五百五十四。

馬隆擊涼州。爲武威太守之郡。惡虜窟局。機樹能等。斷道圍隆。隆作八陣圖。地廣則鹿角車營竝進。狹則

木屋施輪。竝戰竝前。虜弗能逼。智謀縱橫。出其不意。以磁石累夾道側。賊負鐵鎧不得過。隆兵着牛皮鎧

得過。賊以爲神。故能成功。御覽三百一。又三百三十七。又三百五十五。又九百八十八。

胡奮

武帝伐吳。以胡奮爲平南將軍。御覽二百三十九。

武帝詔曰射聲校尉胡奮外掌方任內參九列不宜同之常例勿使入直御覽二百四十二

女芳以選入宮奮哭曰老奴不死唯有二兒男入九地之下女上九天之上御覽百四十四又百四十五

咸寧二年立皇后楊氏封父駿臨晉侯駿漸驕慢一作傲奮語駿卿恃女更豪也一作耶人與天家作婚未有

不滅門者早晚事耳駿曰卿女復不在天家耶一作也奮曰我女與卿女作婢耳何能增損御覽百四十四又百九十九

吾彥

吾彥字士則吳郡人有文武才幹長八尺餘膂力如虎御覽三百八十六

吾彥給役陸抗抗欲拔之患衆不聽乃悉請當爲將者入坐以試勇怯有一狂人拔刀跳梁來向坐中餘

者皆走惟彥獨坐舉几禦之狂人乃退衆服其勇御覽七百三十九

趙誘

趙誘爲杜曾所害誘子胤斬曾食其肝肺御覽四百八十一

周處

周處字子隱吳興陽羨人文選關中詩注御覽六百四十七新書傳作義興陽羨人按晉地理志總序云分吳興之陽羨等立義興郡是從後稱

始爲中書省事時女子李忽覺父北叛時殺父處奏曰覺父以偷生破家以邀福子罔告歸懷羸結舌忽

無人子之道證父攘羊傷化汙俗宜在投畀以彰凶逆俾刑市朝不足塞責奏可殺忽御覽六百四十七

處爲御史中丞。奏征虜將軍石崇、大將軍梁王彤等。正繩直筆。權豪震肅。初學記十二。

朝廷以處忠烈。欲遣討氏羌。乃拜建威將軍。文選關中詩注。

周處解系。與賊戰于六陌。軍敗。周處死之。文選馬汧督誅注。

周處討巨賊。而進軍上六陌山。東據甘水之勢。西固梁山之險。大戰盡日。斬首萬計。後廬播解系。違軍期。

獨當勁處。弦絕矢竭。後繼不及。遂喪戰場。書鈔。

賜處朝服一具。書鈔。

給周處母醫藥。書鈔。

周玘處子

周玘累薦名宰府。文選宣德皇后令注。

楚隱王瑋武帝第五子

楚隱王旣誅汝南王亮。尋又詔云瑋矯詔。行斬刑。臨死。一作刑。出其懷中青紙詔書。以示監刑。尙書劉頌流

涕而言。此詔書也。受此而行。謂一作本。爲社稷。今更爲罪。託體先帝。受枉如此。幸見申列。頌亦哽咽。御覽五百九十三。

書鈔。

趙王倫宣帝第九子

趙王倫欲廢賈后。而門鎗在侍中處。所部司馬多木作。有利鋸。至期。倫乃命三部司馬以鋸截關開門。御覽

七百六十三。

趙王篡位。欲尊祖。宣帝父。為帝。博士馬平議稱。京兆府君昔舉魏武帝為北部尉。賊不犯界。三國志注一。

孫秀。郎邪國書佐。為趙王倫國侍郎。御覽二百四十八。

齊王問起義。孫秀多斂葦炬。益儲麻油于殿省。為縱火具。御覽八百六十四。書鈔。

齊武閔王問

齊王問字景治。文選謝平原內史表注。

問少仁惠謙約。好振施。書鈔。

問在戚屬中最有名。同上。

齊王問入宮。稱詔廢賈后。后曰。詔從我出。此何詔也。御覽五百九十三。

趙王倫篡位。問舉兵討倫。臨陣斬之。文選謝平原內史表注。

齊王問為大司馬。十二月。有白頭老人之大司馬府。大呼。有大兵起。不出甲子旬。即收都衛。攷問。竟攷死。

開元占經百十三。

齊王問輔政歲餘。驕於多過。鄭方諫曰。今王安不慮危。耽于酒色。其失一也。大王檄命。當使天下穆如清。

風今則不然。其失二也。四夷交侵。不聞大王賑救之令。其失三也。當作四夷交侵。不以為念。其失三也。民勞窮苦。不聞大王賑救之令。其失四也。又

與義兵論功未息。其失五也。問含忍曰。孤不能致五闕。若無子。則終不聞孤之過也。初學記十八。

河間王伐齊王問。長沙王父徑入宮發兵攻問。火燒觀閣。及千秋神虎二宮門。問盜白虎幡。唱云。長沙王矯詔。長沙王更

以白幡唱稱大司馬謀反。御覽三百四十一。

問敗。縛至上前。又叱左右斬之。文選晉紀總論注。

初問輔政。大安元年。有婦人詣大司馬門寄產。吏驅之。婦人曰。我截齊便去耳。言畢不見。識者聞而惡之。

至二年謀反誅。御覽三百六十一。

長沙厲王父武帝第六子。

父字士度。封長沙王。拜步兵校尉。文選晉紀總論注。

父性果厲。有成斷。類聚

側身下士。以要人譽。同上

與齊王問相攻。問敗。縛至上前。又叱左右斬之。河間王顥欲廢太子覃。立成都王。欲先誅父。出征連戰敗

走。文選晉紀總論注。

馬隆子咸。為成都王前鋒。統陸機攻長沙王父于石橋。將士器仗嚴利。長沙王所統官一作冠。軍司馬王瑚

一作湖。率衆討咸于馬市。咸軍堅不動。瑚乃使數十騎與戰。下馬縛戟于馬鞍頭。放令向一作伺。咸又使數十騎持兵隨其後。各刺所放馬。馬驚奔。咸軍即壞。瑚因馳逐猛戰。臨陣斬咸。御覽二百八十六又八百九十五書鈔。事類賦注馬。後遂誅之。文選管紀總論注。

成都王穎武帝第六子。

穎字章度。封成都王。拜越屯騎校尉。文選管紀總論注。

趙王倫篡位。穎謀舉義兵迎天子。文選管紀總論注。

盧志言于成都王穎曰。黃橋戰時趙驥爲倫將士。猗許超所敗。亡者有八千餘人。既經夏暑。露骨中野。可爲傷惻。昔周王

葬枯骨。況此等致死王事乎。穎乃造棺八千餘枚。以成都國秩爲衣服殮祭。葬于黃橋北。樹枳籬爲之塋

域。又立都祭堂。刊石立碑。紀其赴義之功。使亡者家四時祭祀有所。御覽五百五十七。

倫死後。河間王顥廢太子覃。立穎爲皇太弟。文選管紀總論注。

張方廢穎歸蕃。遣田徽殺之於鄴。文選管紀總論注。

河間王顥

顥少有清名。輕財愛士。與諸王俱朝。武皇歎顥可爲諸國儀表。書鈔。

東海孝獻王越

東海王越從大駕討鄴軍敗輕騎奔下邳文選迎大駕注

永興二年越率天下甲士三萬人奉迎大駕還洛文選迎大駕注

東海王越自陽城帥甲士四萬入京邑移徙次于許昌以馮嵩為左司馬越領豫州牧占經五

解系

解系字少連濟南人文選關中詩注

系為雍州刺史文選關中詩注

解系原誤結與孫秀不協秀誅張華陷殺系原誤結并欲誅系弟結原誤結梁王彤救之秀曰我于水中蟹尚

惡之況其兄弟耶御覽六百四十五

解結問別駕治中曰河北白壤高良何故少人土每以三品為中正御覽三十七

孟觀

孟觀字叔時文選關中詩注

稍遷至積弩將軍封上谷郡公及關中氐反諸將敗退乃遣觀文選關中詩注

孟觀身當大敵功蓋一時同上

初夏侯駿上言斬氐帥齊萬年及孟觀至大戰數十生送萬年同上

牽秀

牽秀字叔成。三國志注二十
六稱按晉書。

索靖

索靖字幼安。燉煌人。類聚七
十四。

靖爲尚書郎。精草法。武帝愛之。時尚書令衛瓘字伯玉。世號瓘得伯英之筋。靖得伯英之肉。一臺二妙。天

下爲希。類聚七
十四。

周恢。浚叔父子。新
晉書無傳。

周恢字弘武。汝南人。祖斐。永寧少府。父隆。州從事。恢仕至秦相。秩中二千石。世說注
五。

周馥。浚從父
子。

馥爲鎮東將軍。傾心杜夷。引爲參軍。周馥教曰。參軍杜夷。優遊養素。文選九日從宋公戲
馬齋送孔令注。

苟晞

苟晞字道將。御覽二百
四十。

惠帝征成都王爲北軍中候。同上

晞領兗州牧。暴虐殺人。流血號曰屠伯。人皆怖。流入他州。御覽四百
九十二。

苟晞爲青州刺史。役煩賦重。民不堪命。日斬十人。流血成川。號曰展伯。類聚

其弟純。領青州。刑殺尤甚于晞。百姓號小苟。酷于大苟也。御覽四百九十二。

苟晞曰。淮陽之地。北阻塗山。南枕靈嶽。文選鐘山詩。應西王教注。

石勒鏖苟晞頸。以爲司馬。而反殺之。御覽六百四十四。

華軼表孫澹子。

華軼爲江州刺史。得江表之歡心。流亡之士。赴之如歸。時天子孤危。四方瓦解。軼有匡天下之志。每遣貢獻入洛。不失臣節。謂使者曰。若洛都道斷。可輸之琅邪王。以明吾之爲司馬氏也。御覽二百五十六。

劉琨

劉琨字越石。中山魏昌人。中山靖王之後也。祖邁。有經國之才。相國參軍。父瑤。太子洗馬。侍御史。光祿大夫。琨少稱雋朗。世說注二。文選勸進表注。六臣本文選答盧諶注。

初辟太尉隴西王泰。原作秦王誤。新晉書作高密王泰。蓋泰初封隴西。後改封高密。府未就。尋爲博士。未之職。六臣本文選答盧諶注。

琨乃是故尙書郭奕外甥。年二十九爲太子。謂趙王倫子蕤。掾書鈔。即琨妹子也。

累遷司徒長史。尙書右丞。迎大駕于長安。以有殊勳。封廣武侯。永嘉中。年三十五。出爲并州刺史。世說注二。六臣

文選答盧諶注。

劉聰圍晉陽。令狐泥盛子。盛為以千餘人為鄉導。琨求救。猗盧未至。太原太守高嶠反應聰。逐琨。琨父母

年老。不堪鞍馬。步擔不免為泥所害。文選答盧謀注。

琨將討石勒。琨遣兄子演領兗州。文選答盧謀注。

建興五年。即元帝建武元年。琨使溫嶠詣江南勸進。文選勸進表注。

劉琨表曰。李術以素論門望。不可與樵采同日也。文選百辟勸進今上賤注。

劉琨曰。神爽忽然。若己之侍對也。文選齊竟陵文宣王行狀注。

琨與丞相賧曰。不得進軍者。實因無食。殘民鳥散。錄召之日。皆披林而至。衣服藍縷。擁髮徒跣。木弓一張。

荆矢十隻。編草盛糧。不盈二日。夏則桑椹。冬則登音勞豆。視此哀歎。令人氣索。一作盡。恐吳孫韓白。猶或難

之。況以琨怯弱。凡才。而當率此以殄強寇。御覽四百八十六。又散見三十五。及三百四十七。

琨為段匹磾所拘。據暢幽憤。因與盧諶贈答。琨與盧志親善。志子諶。琨先辟之。後為從事中郎。段匹磾領

幽州。求為別駕。諶賡詩與琨。故答云云。六臣文選答盧諶注。

琨被拘經月。段匹磾所立代郡太守薛閭嵩。與劉琨鴈門太守王處今作據。後軍下今有韓據二字。謀殺磾。奉琨。密

作攻具。欲夜襲磾。磾兒強取處。今作韓據。女為妾。遂以攻具告磾。磾遂斬王處。薛閭嵩及其徒黨。御覽三百三十六。

琨竟為段匹磾所害。世說注二。六臣文選答盧諶注。

劉演現兄與子

演領兗州石勒圍演于三臺突圍得免後演治廩邱遂不守兄少子及演妻息盡爲所虜文選答盧諶注

祖逖

祖逖字士稚范陽遼人與弟約將母詣洛交結人流逖舅程元良良弟衛弟收竝臺郎州郡有勢于洛更共扶讚兩甥故竝陞清途逖初爲司州主簿舉秀才爲大司馬齊王掾有將帥之風御覽五百十六

祖逖軍大飢進據食犬邱城樊雅遣六十餘人入逖營拔戟大呼向逖逖軍入夜不知何賊多少皆欲散走逖疑非多人但摧左右拒之會督護董瞻今晉書作董昭入共討賊賊散故道出御覽三百十五

祖納逖兄

祖納字士言范陽遼人今作遼九世孝廉納諸母三兄最治行操能清言名理文義可觀爲隴西王參軍歷

太子中庶子廷尉卿避地江南世說注一書鈔

納好弈棋王隱謂之曰禹惜寸陰不聞數棋對曰我亦聊用忘憂耳隱曰蓋聞古人遭逢一作時則以功達

其道若其不遇則以言達其道一作才故否泰不窮也古必有之今亦宜然當晉未有書而天下大亂舊事

蕩滅非凡才能立君少長五都遊一作宦官四方華夷成敗皆當聞見何不記述而有裁成應仲遠作風

俗通崔子真作政論蔡伯喈作勸學篇史游作急就章猶皆行于世便成沒而不朽當其同時人豈少哉

而了無聞。皆由無所述作也。僕雖無才，非志不立。故君子疾沒世而無聞焉。所以易稱自彊不息也。況國史明乎得失之跡，俱取散愁。此可兼濟。何必圍棋然後忘憂也。納喟然嘆曰：非不悅子之道，力不足耳。乃言之于帝曰：自古小國，猶有史官。况于大府，安可不置。因舉隱，稱清純亮直，學思沈敏。五經羣史，多所綜悉。且好學不倦，從善如流。若使修著一代之典，褒貶與奪，誠一時之雋也。帝以問記室參軍鍾雅。雅曰：納所舉雖才，而今未能立也。事遂停。然史官之立，是納始也。此段依新晉書祖納傳王隱傳錄出。蓋事屬王隱。自記自事。此段當有。故錄之。

溫嶠薦為光祿大夫。世說注一。

納嘗問梅陶曰：君鄉里立月旦評，何如。陶曰：善褒惡貶，則佳法也。納曰：未益。時王隱在坐，因曰：尚書稱三載攷績，三攷黜陟幽明，何得一月便行褒貶。陶曰：此官法也。月旦私法也。隱曰：易稱積善之家，必有餘慶。積不善之家，必有餘殃。稱家者豈不是官，必須積久。善惡乃著。公私何異。古人有言：貞良而亡，先人之殃。酷烈而存，先人之勳。累世乃著，豈但一月。若必月旦，則顏回食埃，不免貪污。盜驢引少，則為清廉。朝種暮穫，善惡未定矣。此段亦依新晉書錄出。

祖納原作納。按清談平裁，老而不倦。文選為蕭揚州作薦士表注。

梅陶及鍾雅數記事。祖納輒困之，因曰：君汝穎之士，利如錐。我幽冀之士，鈍如椎。持我鈍椎，上君利錐，皆當摧陶雅，並稱有神錐，不可得摧。納曰：假有神錐，必有神椎。御覽七百六十三按納原誤約。

邵續

邵續爲石勒所執。身灌園鬻菜。以供衣食。勒屢遣人察之。歎曰。此真高人矣。不如是安貴乎。嘉其清苦。數賜穀帛。每臨朝。嗟歎。以厲羣臣。御覽九百七十六。

段匹磾

建武初。段匹磾推劉琨爲大都督。結盟討石勒。進屯故安縣。故燕太子丹金臺。文選鮑明遠樂府放歌行注。

文鴛北討。末杯弟于薊城。段匹磾召弟文鴛還。厭次石虎來先從騎抄城左右。鴛登城臨見。不勝其勇。欲出擊胡。磾疑有伏。不聽出。民出大爲胡所殺掠。鴛單將壯士數十騎出擊胡。所殺甚多。胡騎退。鴛追躡。磾率步繼。鴛虎伏騎起。磾鴛力戰。殺胡數千。鴛還赴磾。磾已散還。鴛所乘馬乏頓。虎呼曰。大兄。久望共同。天不違願。今日相見。何故復戰。請釋杖語。鴛罵曰。汝爲寇虜。今作虜。久應死。吾兄不能用吾計。故令汝得至此。吾寧死。不忍爲汝擒。遂下馬與胡戰。稍折。執刀力戰不降。虎軍四面解馬羅披自障。前捉鴛。鴛自辰至申。力極斫殺人而後見執也。御覽四百三十五。又四百六十六。

段匹磾降石勒。常著朝服。持首節。勒亦不問。御覽六百八十一。

淮南忠壯王

武皇帝男允字欽度。封淮南王。文選晉紀總論注。

領中護軍。同上

孫秀既害石崇等以懼允允遂進圍相府相國趙王倫閉門允兵四勝陷破無前倫息虔僞云有詔助淮南王王下車受詔遂害之。同上

王導

王導字茂弘。文選讓中書令表注。

中宗時為侍中。同上

肅祖即位敦平進太保不拜。同上

後為丞相。同上

王珣導第三子洽之子。

珣弱冠為桓溫所重王珣與謝玄俱被辟桓溫曰謝掾必擁麾杖節王掾當作黑頭公未易才也。御覽三百六十四。

王劭導第五子。

王劭為丹陽尹善禮儀操人近習未嘗見其墮替。文選齊竟陵文宣王行狀注。

陶侃

陶侃字士衡鄱陽人。類聚七十九。

陶侃爲吏。鄱陽孝廉與親友過侃宿。時大雪無草。侃母湛撒牀雜蔣。手剉給客牛馬。原注晉陽秋云。蔣薦也。時大雪以下。依御覽

七百九引截髮以供客。聞者嘆曰。非此母不生此子也。乃進之于張夔。世說注六。類聚十七。

爲郡主簿。夫人病。欲使主簿迎醫于數百里。天大寒雪。各辭疾。召侃使行。侃曰。資于事父以事君。夫人亦

當次母。安有父母之病。而聞迎醫不便行也。御覽二百六十五。

羊暍亦簡之。後暍爲十郡中正。舉侃爲鄱陽小中正。始得上品也。世說注六。

侃爲荊州刺史。陶侃擊蜀賊王真。當作貢。下同。真以鈎得上侃。一作真拘。得侃。青雀舟。侃欲投水。都督王禳蘇扶侃

入小船得脫。御覽七百六十八。初學記二十九。

陶侃爲荊州。與杜弢將王真。當作貢。下同。遙語。真橫腳馬上。侃說曰。杜弢爲益州刺史。盜用庫金。父死不奔喪。

君本佳人。何隨之。天下無白頭賊也。真聞下其脚。辭又順。侃知其意。使降人喻真。真乞得先信。乃截髮爲

信。蜀賊糧盡。真旣降而走。御覽三百七十二。

賊杜弢下多蜀人。飢。陶侃多作鬻以待之。于是悉降。同上八百五十九。

侃爲廣州。夢有司馬與侃鑿者。長史陳協以爲司馬者國姓也。鑿者扞禦之器也。節下當進位。泰興二年。

侃加平南將軍。俄轉都督。湘州刺史。御覽三百五十五。又三百九十八。

敦平。遷陶侃都督荆、雍、益、梁、四州軍事。是時荊州大饑。百姓多餓死。侃至秋熟。輒糴。至饑復減價糴之。士

庶歡悅咸蒙濟賴。類聚五

陶侃少長勤整自強不息常語人曰大禹聖人乃惜寸陰至于凡俗當惜分陰。初學記一·御覽四百三十一·御

陶侃平蘇峻除侍中太尉加羽葆鼓吹。御覽五百六十七

太尉陶侃表倉曹參軍袁謙為高涼太守未至百餘里浦中有蜜蜂蔽日而下謙船上謙不覺甚惡會得

留郡文書賊欲乘虛攻郡謙欲速赴明早進西南卒遇大風飛沙天地晦合不復得還浦遂沒海中。事類賦注

蜂·御覽九百五十

侃臨終表曰臣少長孤寒始願有限過蒙先朝歷世異恩臣年垂八十位極人臣啟手啟足當復何恨但

以餘寇未誅山陵未復所以憤慨兼懷唯此而已猶冀犬馬之齒尚可少延欲為陛下北吞石虎西誅李

雄勢遂不振良圖永息臨書振腕涕泗橫流伏願遴選代人使必得良才足以奉宣王猷遵成志業則雖

死之日猶生之年。世說注二

陶侃薨帝為置石碑立廟像于武昌西江上。書鈔

侃少漁于雷澤夢背上生八翅飛入天門見門非常欲入不敢入而下侃後都督八州諸軍事。類聚七十九御覽三

百九十八

溫嶠字太真，太原人也。文選勸進表注。

建興二年，嶠為劉琨假守左司馬，都督上前鋒諸軍事，討劉聰。世說注八。

西臺除司空右司馬。文選勸進表注。

劉琨假守左長史。同上。

五年，琨使詣江南勸進。同上。

嶠為丹陽郡尹。文選王文憲集注。

後平蘇峻之亂。文選王文憲集注。

郗隆鑾叔父。

郗隆字宏始，為尚書郎，轉左丞，在朝為百寮所憚，後坐泄事免。初學記十一。

顧榮

顧榮字彥先，吳人也。文選贈尚書郎顧彥先注。

顧榮少有珪璋，符采朗澈，仕吳，弱冠舉賢良為黃門侍郎，當時後進，盡相推謝，稱榮有大才令望。初學記十二。

入洛為尚書郎。文選贈尚書郎顧彥先注。

顧榮徵拜侍中，見王路塞絕，便乘船而還，過下邳，遂解舫為單舸，一日一夜行五六百里，遂得免。類聚七十御。

覽七百七十。

元帝初鎮江東。以榮爲軍司馬。禮遇甚重。三國志注五十二。引晉書未標王隱。姑錄于此以俟攷。

顧榮謂中宗曰。陸士元。貞正清貴。金相玉質。甘季思。忠款盡誠。加以瞻榦殊快。殷慶元。質略有明規。文武可施用。榮族兄公讓。明亮守節。困不易操。會稽楊彥明。謝行言。皆服膺儒教。足爲民望。賀生。沈潛青雲之士。陶恭兄弟。才力雖少。實事極佳。凡此諸人。皆南金也。中宗納之。御覽四百四十五。卒表贈侍中。驃騎將軍。儀同三司。榮兄子禹。字孟著。少有名望。爲散騎常侍。早卒。三國志注五十。二引晉書。

紀瞻

紀瞻字士達。書鈔。按當作思遠。此誤。

吳平。舉秀才。陸機策之。紀瞻答秀才策曰。周制明堂。所以宗其祖。以配上帝。其正中皆原作者。太廟。以順天

時。施法令。初學記十三。

朝廷稱其忠亮雅正。才兼文武。可領軍將軍。時人素服其嚴毅。雖恆疾病。六軍敬憚之。尋以風病。自表請去官。遣黃宏就謁軍事。書鈔

辭兼

辭兼字令長。辭瑩子。清素有器宇資望。如故上國。不似吳人。歷位二宮丞相長史。元帝踐阼。累遷丹陽尹。

尚書。又爲太子少傅。自綜至兼三世傅東宮。三國志注五十三。

劉隗

建興四年。丞相府督軍令史淳于伯。刑于建康市。百姓誼譁。咸曰伯寃。御覽八百七十九。劉隗奏曰。懷情抱恨。雖

沒不亡。故有隕霜之應。夜哭之鬼。文選永明九年。策秀才文注。

隗補丹陽尹。雖在外。而萬機祕密皆預聞之。御覽二百五十二。

刁協

刁協子彝。彝子遠字伯道。弟暢字仲遠。次宏字叔仁。各歷職州刺史。兄弟子姪竝不治名行。競修貨殖。有田萬頃。奴婢數千人。義旗初建。宏將謀起兵。宋王遣劉毅誅之。刁氏既富。奴客縱橫。上山銅澤。爲京口之蠹。宋既誅暢。散其穀帛金錢牛羊。令民稱力取之。彌日不盡。時天下饑儉。編戶菜蔬。及刁氏之破。百姓充足。御覽四百七十一。按王隱書而有晉末之事。知爲後人所附益者多矣。或係別書。御覽引時下筆之誤。

應詹

應詹字思遠。汝南南頓人。璩曾孫。當作之孫。也。爲人宏長有淹度。飾之以文才。司徒何劭原作充。嘆曰。所謂文

質之士。世說注八。

詹爲南平太守。天門。武陵。竝反。降之。下句依書鈔校補。天下分崩。征鎮州郡已失城邑。詹獨保境。外攘狂狡。內除

塗炭甚便百姓之情。郡人歌曰：亂離既普，殆爲灰朽。僥倖之運，賴茲應后。蔭我塗炭，惠隆邱阜。潤同江海。

恩猶父母。

御覽二百六十一。又四百六十五。

應詹爲太守，人歌之曰：威若風霜，恩如父母。

文選辨命論注。

詹遷光祿勳，王敦將復作逆，明帝問應詹曰：如何？

一作何。

詹厲然慷慨答詔曰：陛下宜奮赫斯之威，臣等

當負戈從戎，不顧族命之禍，以順討逆，誠社稷之計也。庶憑宗廟之靈，有征無戰，如其不然，王室必危。卽

日以詹爲都督前鋒軍事，護軍將軍，同心滅敦。

初學記十七。書鈔。御覽二百三十九。

累遷江州刺史。

世說注八。

卒贈鎮南將軍。

世說注八。

甘卓

甘卓爲揚威將軍，歷陽內史。

御覽三百六十六。

卓爲相州刺史，市無二賈。

書鈔。

甘卓家金匱鳴，聲似槌鏡，清而悲。師言金匱將離，是以悲鳴。尋而卓下將周慮等承望敦意害卓。

御覽七百十三。

卞壺

蘇峻進攻，壺苦戰死之。及二子死，徵士翟湯聞而嘆曰：父爲忠臣，子爲孝子，忠孝之道，萃于一門，可謂賢。

哉。文選爲卞彬謝修
卞忠貞墓啟注。

孫惠

孫惠以策干東海王越。詭其姓名。自稱南嶽逸民。勸以勤王。辭義甚美。王以爲記室參軍。掌文書。豫參謀議。每造檄。或驛馬催之。應命立成。皆稱旨。書鈔

熊遠

熊遠字孝文。初學記
十二。

遷御史中丞。新書·魏平·轉從事中郎·累遷太子中庶子·尙書
左丞·散騎常侍郎·接下殿·未嘗遷御史中丞。中宗每嘆其公忠。謂遠曰。卿在朝正色。不苟柔

吐剛。忠亮至勁。可謂王臣。初學記
十二。

陳顥

陳顥爲郡督郵。檢獲隱匿者三千人。爲一州尤最。太守劉享拔爲主簿。州辟部從事。乘馬車還家。宗黨榮

之。書鈔

郭璞

郭璞字景純。河東聞喜人。父瑗。建平太守。世說注
三。

璞消災轉福。扶厄擇勝。時人咸言京管不及。同上
六。

郭璞遷尚書郎。數言便宜。多所匡益。書鈔

庾冰。亮弟

庾冰爲中書監。揚州刺史。乃心夙夜。情存治道。賓禮朝賢。升擢後進。由是朝野注心。咸曰賢相。類聚五

庾翼。亮弟

庾翼都督江荆益三州刺史。制度規模。每出于人。數年之中。軍國充實。人情翕然。稱其才明。由是自河以

南。皆懷歸附。類聚五

翼欲北伐。上疏不從。違詔輒行。至夏口。復上表。庾翼表曰。襄陽北去河洛。不盈千里。文選齊故安陸昭王碑文注

諸葛恢

諸葛恢字道明。類聚十

時荀闡字道明。蔡謨字道明。俱有名譽。號曰中興三明。時人歌之曰。京師三明各有名。蔡氏儒雅荀葛清。

類聚十

顧悅之

顧悅之與簡文帝同年。而髮早白。上問故。對曰。松柏之姿。經霜猶茂。蒲柳之姿。望風先凋。御覽三百七十三

孔愉

司徒王導以趙胤爲護軍。孔愉謂導曰：中興以來處此位者，周伯仁、應思遠，今誠乏才，豈可以趙胤居之。

孔坦愉從子

孔坦字君平，會稽山陰人。世說注坦方直而有雅望。同上善春秋，有文辨，歷太子舍人。同上

蘇峻事平，陶侃欲將坦上用爲豫章太守，坦辭母老不行。臺以爲吳郡，吳郡多名族而坦年少，乃授吳興

內史。世說注

孔坦原作恒作嚮置門外，呼飢人食之，謂是嗟來，皆無往食之者。書鈔

孔坦上表曰：士死知遇，恩令命輕。文選拜陵廟注又擬魏太子鄴集詩注，引作王逸晉書，逸卽隱之誤，胡校。

累遷廷尉卿。世說注

謝安

謝安義在輔導，雖會稽王道子亦賴弼諧之益。時強敵寇境，邊書續至，梁益不守，樊鄧陷沒，安每鎮以和靖，御以長算，德政旣行，文武用命，不存小察，宏以大綱，威懷外著，人皆比之王導。而文雅過之。御覽四百四十五

王羲之

王羲之幼有風操，郗虞卿新書作郗鑒，按鑒字道徽聞王氏諸子皆俊，令使選婿，諸子皆飾容以待客，羲之獨坦腹東

牀嚼胡餅。神色自若。使具以告。虞卿曰。此真吾子壻也。問爲誰。果是逸少。乃妻之。御覽八百六十。

王羲之初度江。渡浙江也。會稽有佳山水。名士多居之。與孫綽、許詢、謝尚、疑作謝安。支遁等。宴集於山陰之蘭

亭。御覽一百九十四。

王遜

王遜爲上洛太守。私牛馬在郡生駒犢者。秩滿以付官。云是郡中所產也。類聚

劉胤

時資江州運漕。而胤以私廢公。免官。劉胤商貨繼路。文選後漢皇后紀論注。

桓伊

伊與謝玄等破秦于肥水。武帝賜桓伊錢百萬。袍裏千端。御覽六百九十三。

朱伺

朱伺字仲文。小爲牙門將。陶丹給使。吳平。內徙。原作涉。江夏。便鞍馬。弓弩刀楯射獵。御覽三百五十七。

石勒攻夏口。朱伺銜鐵面以弩的射賊大帥數人。皆殺之。竝以磊石弓箭雨下。所向摧破。賊皆拋船上岸。

于水邊作陳。伺身被數十箭。氣色不變。諸軍尋至。賊兵便崩退。投水死者百數。夏口之全。伺之勳也。御覽四百

時杜曾襲揚口朱伺拒曾原誤·賊于河南常所用弩忽禁不發伺知己必敗後果被傷書鈔

陳壽

陳壽字承祚巴西安漢人好學善著述世說注

陳壽舉孝廉為著作郎類聚四十八

陳壽為著作佐郎遷大著作御覽二百三十四

撰三國志初壽父為馬謖參軍諸葛亮誅謖髡其父頭亮子瞻又輕壽故壽撰蜀志以愛憎為評也世說注七

壽與張華友善華垂當啟轉中書郎荀勗黨疾壽華語吏部出為長廣太守類聚四十八

杜預將之鎮入辭啟曰蜀有陳壽才史通博宜補黃散之職帝曰卿何說晚壽可作治書侍御史不預對

惟上詔即手詔用壽為治書侍御史書鈔

仕至中庶子世說注七

陳壽卒詔下河南尹華澹遣吏賫紙筆就壽門下寫取三國志類聚五十八

虞溥

虞溥為鄱陽內史勸一作親厲學業雖嚴一作威而不猛寬裕簡素風化大行白鳥集郡庭止棗樹上就執不

動類聚八十七又九十二御覽九百二十

王銓

王儉

當作銓
下同

字元衡。內史下邳陳劭擅名徐州。劭聞儉年十四善屬文。請作祝文。劭謂客曰。此生為文有

可觀。采命為督郵主簿。劭遷給事。儉為定表。

御覽三百
八十四

太康六年。荊州送兩足虎。時尙書郎索靖議稱半虎。博令王銓為文曰。般般白虎。觀豐荆楚。孫吳不逞。金

皇赫怒。類聚九
十九

中宗詔問王隱曰。荊州送兩足虎。其徵何也。隱曰。謹按先臣銓傳。太康時兩足虎。因作詩以諷。銓意以晉

金行也。金在西方。其獸為白虎。虎有四足。猶國有四方。無半勢而又見獲。將有愍懷之禍也。

占經百
十六

武帝封楊后父鎮軍楊駿為臨晉侯。后母太原龐為安昌鄉君。太學生王銓曰。侯稱臨晉。後必制國也。御覽

百九十
九

仕至歷陽令。少好學。有著述之志。每私錄晉事及功臣行狀。未就而卒。

此段依新書錄
出。以俟攷。

子瑚字處仲。少重武節。成都王穎舉兵向洛。以為冠軍參軍。同上

馬隆子咸為成都王前鋒。統陸機攻長沙王乂于石橋。將士器仗嚴利。長沙王所統冠軍司馬王瑚率衆

討咸于馬市。咸軍堅不動。瑚乃使數十騎與戰。下馬縛戟于馬鞍頭。放令向咸。又使數十騎各持兵隨其

後。刺所放馬。馬驚奔咸軍。軍即壞。瑚因馳逐猛戰。臨陣斬咸。

御覽二百八十六又八
百九十五。書鈔。

積功累遷游擊將軍。與司隸滿奮、河南尹周馥等俱屯大司馬門以衛宮。時上官已縱暴，瑚與奮等共謀除之，反爲所害。此段依新書錄出以俟攷。

江道

孝宗欲于後園修立池苑。江道諫以強賊未滅，宜精軍備，常存儉約，以率羣下。御覽八百二十四。

張軌

張軌爲涼州刺史。御覽三百六十六。

大城姑臧，涼州有龍形，故曰臥龍城，南北七里，東西三里，本匈奴所築也。水經注四十。

漢末博士侯瑾善內學，語弟子曰：涼州城西有泉水，當竭，當有雙闕起其上，與東門相望，中有霸者出焉。至魏嘉平中，武威太守條茂起學舍，築闕于此，泉太守填水造起門樓，與學闕相望。至是張氏遂霸河西。

類聚六十二，水經注四十。

燉煌曹祉上言軌老病，更請刺史。見御覽。陰澹時弱冠，才行忠烈，州請爲治中從事。陰澹新書作楊澹。因率數十

人馳詣長安，皆割耳于盤，流血訴枉，得停。御覽三百六十六，書鈔。

張駿

涼州張駿增築四城，廂各千步，東城殖園果，命曰講武場，北城殖園果，命曰玄武圃，皆有宮殿，中城內作

四時宮隨節遊幸并舊城爲五街衢相通二十二門大繕宮殿觀閣采綺妝飾擬中夏也。水經注四十七御覽百九十七

江東賜涼州刺史張駿真金印大袍。御覽六百九十三

李密

李密字令伯時人稱其才辨召以爲太子洗馬。書鈔

李興密之子一名安。三國志注三十六

嵇紹

嵇紹字延祖譙國銍人父康有奇才儻辯紹十歲而孤事母孝謹。世說注一

紹雅有文才時以紹父康被法選官不敢舉年二十八山濤啟武帝可爲祕書郎帝曰紹旣如此便可爲

丞世祖發詔以爲祕書丞。世說注二初學記十二

累遷散騎常侍。世說注一

惠帝北征紹以天子蒙塵馳詣行在所值王旅不振敗績于蕩陰百官左右皆奔散唯紹儼然端冕以身

捍衛帝兵交御輦飛箭雨集遂以見害。世說注一初學記十御覽四百十七

東海王越之許路經滎陽過嵇紹墓哭之悲慟刊石立碑又表贈官爵帝乃遣使策贈侍中光祿大夫加

金章印綬進爵爲侯賜墓田一頃客一戶祠以少牢。御覽五百五十七

河南郭象著文稱嵇紹父死在非罪。曾無耿介貪位。死關主義不足多。曾以問鄒公曰。王裒之父亦非罪。死。裒尤辭徵。紹不辭用。誰爲多少。鄒公曰。王勝于嵇。或曰。魏晉所殺。子皆仕宦。何以無非也。答曰。殤。鯨與禹。禹不辭興者。以鯨犯罪也。若以時君所殺爲當耶。則同于禹。以不當耶。則同于嵇。又曰。世皆以嵇見危授命。答曰。紀信代漢高之死。可謂見危授命。如嵇偏善其一可也。以備體論之。則未得也。御覽四百四十五。

王諒

交州刺史王諒爲州人梁碩所圍。城陷。碩逼奪諒節。諒不與。碩遂斷諒右臂。諒正色曰。死不畏。斷臂何有也。御覽三百六十九。

范晔

范晔字彥長。南陽人。僑居清河。仕爲郡五官。後爲河內郡丞。時裴叔則爲河內郡。知之。爲裴所伏。後爲侍御史。御覽二百五十三。

鄧攸

鄧攸字伯道。文選齊故安陸昭王碑文注。

祖殷。爲淮南太守。夢行水邊。見一女子。虎。一作猛獸。案唐諱虎。多在後來。盪斷其鬣囊。占者以爲水邊有女。汝字也。斷鬣囊者。新虎。一作頭代故虎。一作頭也。不作汝陰。當汝南也。果遷汝陰太守。御覽三百九十。書鈔。

永嘉末沒于石勒。攸遭石勒亂。以路遠斫壞車。以牛馬負妻子以逃。入草遇賊。又掠其牛馬。攸語其妻曰。吾弟早亡。惟有遺民。今當步走。儻兩兒便當盡死。不如棄已兒。抱遺民。吾後猶當有兒。婦從之。世說注一。御覽四百。

二十

鄧攸去石勒投李矩。借水碓舂于城東。御覽七百六十二。

攸為吳郡太守。吳人飢荒。一作餓。攸到表賑貸。臺不時聽。攸乃輒出倉米。一郡蒙濟。不受祿俸。自載糧食。

唯飲吳水而已。後被劾輒出穀。攸嘆曰。善不可為也。文選齊故陸昭王碑文注。書鈔。類聚八十五。御覽八百三十七。

鄧攸為吏部尚書。牧馬于家庭。妻子一作樓。素食。不受一錢。類聚引作不受一飯于人。當時清靜。一作淨。內外肅然。此二句一

在牧馬之上。遷為中護軍。初學記十一。御覽二百四十。

吳隱之

吳隱之母喪哀毀。嘗醢菹。以其味甘。輟而棄之。御覽九百七十六。

吳隱之為廣州刺史。州界有水名貪泉。父老云。飲此者皆使廉士變貪。隱之始踐境。先到水所。酌而飲。因

賦詩曰。古人云此水。一飲重千金。若使夷齊飲。終當不易心。類聚五十。

及為廣州。清操愈勵。常食不過菜及乾魚而已。帷帳器服皆付外庫。時人頗謂其矯。然亦始終不易。御覽九百

七十
六

陳劭

陳劭字節良。初學記十二。

太始六年詔曰：燕王師劭，清貞潔靜，行著邦族。初學記十二。

劉兆

劉兆字延世。御覽六百一十。

兆以春秋一經而三家殊途，命世名儒，是非之議紛然，互為讎敵，乃思三家之異，合而通之，周禮有和怨調人之官，作春秋調人七萬餘言。御覽六百十書鈔。

汜毓

汜毓字稚春，濟北人也。敦睦九族。文選稽淵碑文注：引作汜勝之，穆敦九族。當作汜勝之，至毓七世。敦睦九族。青土號其家，兒無常母，衣無常主也。

文選奏彈劉整注。

徐苗

徐苗字叔胃，高密淳子人也。初學記十七。

曾祖祖。祖字當作華。至行感靈，夜有神人告亭欲崩，苗。苗亦當作華。出亭崩得免。御覽百九十四。

徐苗少孤，家貧，好學書，晝執耒耜，夜不廢讀誦。御覽八百二十三。

輕財重義。行人所難者。兄及小弟早卒。鞠養孤寡。隱幼口腹。及與妻子兄弟客居四十餘年。田宅奴婢。推之孤姪。弟亡。臨殯。口中有癰。大潰。膿血溢。苗竟含去之。其行事類皆如此也。初學記十七。御覽七百四十二。

徐苗以永寧三年春亡。遺令。濯內巾。澣衣。榆棺。雜磚。露車載柩。葦席瓦器而葬矣。御覽五百五十四。

杜夷

杜夷字行齊。廬江人。王敦爲刺史。舉方正。隱身不仕。鎮東軍司顧榮等各薦夷于相國府。元帝以爲儒林祭酒。帝曾欲省夷。夷深讓。帝答曰。吾與足下。雖情在忘言。然虛遲歷載。正以足下羸病。故欲相省。寧論常儀。敬以爲國子祭酒。夷前後十餘表求解。不聽。明帝踐阼。夷又頻表讓位。御覽四百二十四。類聚五十三。

左思

左思少好學。司徒隴西王泰辟爲祭酒。書鈔

左思專思三都賦。杜絕人流之事。自以所見不博。求爲祕書郎。初學記十二。御覽二百三十三。

左思徙居洛城東。著經始東山廬詩。文選招隱詩注。

蔡洪新書附王沉傳。

蔡洪仕至松滋令。世說注二。

李充

李充字弘度。集有漏刻銘。文選新編刻銘注。

顧愷之

顧愷之拜散騎常侍。表云。不悟陛下聖恩所加。登之常伯之列。飾以貂璫之暉。書鈔

羊琇

齊王出鎮。琇諫。武帝以羊琇為太僕卿。遜位。加特進。類聚四十九。

卒。贈羊琇以輔國將軍開府儀同。御覽二百三十九。

王隱晉書卷八

寒儻傳

劉卞

劉卞字叔龍。書鈔須昌人。赤色文脣。少言語。有大志。爲縣小吏。御覽三百六十八。稱王隱晉書寒儻傳。按

劉卞補亭子。有亭民舉秀才。與刺史箋。久不成。卞指語箋意。下筆便成。秀才語縣令曰。劉卞公掾之精者。何況爲亭子。令召爲門下吏。書鈔

劉卞爲四品吏。訪問推一鹿車黃紙。令卞寫書。卞語訪問。劉卞非爲人寫黃紙也。訪問按卞罪下品二等。

補左人尙書令史。初學記二十一。

劉卞爲愍懷太子左衛率。知賈后必害太子。乃問張華。華曰。君欲何如。卞曰。東宮雋又如林。此字原誤附兵字下。四率精兵萬人。公居阿衡之仕。若得公命。皇太子入朝。使錄尙書事。廢賈后于金墉。兩黃門力耳。華曰。卒立大事。恆懼禍甚。又非所能。賈后微聞。遷卞雍州刺史。卞恐終露。乃服藥卒。書鈔

處士傳

王褒

王褒字偉元北海人也。御覽六百十六稱王隱晉書處士傳。

父儀字朱表高亮雅直司馬文王爲安東儀爲司馬東關之敗文王曰近日之事誰任其咎儀曰責在軍

帥文王怒曰司馬欲委罪于孤耶遂殺之褒少立操尙非禮不動非法不言身長八尺四寸容貌絕異音

聲清亮辭氣韶雅。此節亦見御覽三百八十九多依校補。褒痛其父不以命終絕世不仕立屋墓側以教授爲務旦夕常至

墓前朝拜輒悲號斷絕墓前有一柏樹褒常所攀援涕泣所著樹色與凡樹不同。此節亦見類聚八十讀詩

至哀哀父母生我勞悴。一作劬未曾一作嘗不反覆流涕泣下沾襟。一作胸也。此節亦見御覽六百十六。家貧躬耕計口而

田度身而蠶諸生有密爲褒刈麥者褒遂棄之自是莫敢復佐刈者褒門人爲本縣所役求褒爲屬褒曰

卿學不足以庇身吾德薄不足以蔭卿屬之何益且吾不捉筆已四十年乃步擔乾飯兒負鹽鼓門御從

者千餘人安邱令以爲見已整衣出迎之于門褒乃下道至土牛磬折而立云門生爲縣所役故來送別

執手涕泣而去令即放遣諸生一縣以爲恥同縣管彥少有才力未知名褒獨以爲當自達常友愛之男

女各始生共許爲婚彥果爲西夷校尉褒後更以女嫁人彥弟馥問褒曰吾薄志畢願山藪自處姊妹

皆遠吉凶斷絕以此自誓賢兄子葬父于帝都此則洛陽之人也豈吾欲婚之本指耶馥曰嫂齊人也當

還臨淄褒曰安有葬父河南隨妻本傳作母還齊用意如此何婚之有遂不婚邴春者根矩之後也少立志

操寒苦自居負笈游學身不停家鄉邑翕然以爲能係其先也褒以春性險狹慕名意多終必不成及後

春果無學業流離遠外有識以此歸之。襄常以爲人所行其當歸于善道不可以己所能而責人所不能也。有致遺者皆不受。及洛都傾覆寇賊蠭起。襄宗親悉欲移江東。襄戀墳壠賊大盛。乃南達泰山郡。襄思士不肯去。賊害之。三國志注十一

王隱晉書卷九

逸民傳

孫登晉書隱逸傳亦作第一

魏末有孫登字公和。汲郡共人也。無家屬。時人于汲郡北山上土窟中得之。以上亦見五十五夏則編草爲裳。冬

則被髮自覆。爲人無言。好讀易鼓琴。初宜陽山中作炭者。忽見有人。不語。精神不似常人。帝使阮籍往視。

與語亦不應。籍因大嘯。野人乃笑曰。爾復作向聲。籍又爲嘯。籍將求出。野人不聽而去。登竝當作嘯。如簫

韶笙簧之音。聲震山谷。而還問炭人曰。故是向人耳。尋知求而不知所止。推問久之。乃知姓名。御覽五百二逸民部二

孫登。楊駿逼迎之。與語不答。賜布袍。登借刀截斷棄門中。大呼云。刺斫刺斫。卒病死。後人見在貴馬坂。御覽

五十
三

庾袞唐修晉書列孝友傳御覽逸民引王隱書作第二

庾袞字叔襲。潁川人。少遭大疫。二兄亡。次兄毗又疫。其癘氣方熾。父母諸弟皆出避家。袞獨不出。諸父強

之不可。曰。袞性不畏病。納漿鬻扶持。不捨晝夜。省柩哀臨。十有餘旬。病暨歇。家人乃反。而袞亦無患害。宗

黨歎曰。異哉此子。能守人之所不能守。能行人之所不能行。御覽四百三

庾袞執事有恪。與弟子治藩。必跪而授條。其人曰。今在隱屏。先生胡不踞。袞乃揖而延之。正席而坐。告之

曰。奈何以幽顯易其操者乎。御覽四百三十一。又五百二。

年饑。麥熟。穫者雖畢。而耜者猶殷。袞乃引其羣子以退。曰。待其間。既耜焉。從者以爲徒耜也。乃方自耜。不

曲行旁掇。跪而把之。每饑。率其邑人于山林拾橡。御覽五百二。又八百二十四。

庾袞孤兒女曰芳。將嫁。美服具矣。袞刈荆荇爲箕帚。專召諸子集之于堂。男女以班。而命芳曰。來。汝少孤。

汝逸。汝豫。不汝疵瑕。今汝將適人。事舅姑。灑埽庭內。婦人之道也。故賜汝以匪器之美。欲汝之溫恭朝夕。

雖休勿休也。御覽四百五十八。又五百十二。

庾袞兄子孤。翁也。卒。袞既哀其孤。又痛其成人而未娶。撫柩而號。每哭。聽者皆泣。人不哀其喪。感其哀也。

藝文類聚三十四。

爲郡功曹。舉清白異行。不就。御覽五百二。

世號庾袞有異行。元康之末。潁川太守復以功曹命之。袞服造役之衣。杖鍤荷斧。不俟駕行。曰。請受下夫

之役。府君飾車而迎。遂巡辭焉。形雖益恭。而神有不可動之色。府君知其不屈。乃歎曰。非常士也。吾無以

臣之矣。乃厚禮遣之。御覽二百六十四。

值亂。攜妻子入林慮。食木實。餌石蕊。得長年也。御覽五百二。陳藏器本草。

林慮民歸之。葆于大頭山而田其下。有終焉之心。入林慮山。中途而眩發。倚巖而坐。柱杖將一作扶起。杖跌

墜崖一作岸而死。御覽五百二。又七百四十一。

董京音書隱逸傳作第二。

董京字威輦。不知何許人。太始初。值魏禪晉。遂被髮佯狂。忽至洛陽。帝止宿白社中。時乞於市。得殘碎繒絮。輒結爲衣。以自覆。號曰百結衣。以上亦見六百八十九事類賦衣注。類聚。全帛佳綿。則不肯受。著作郎孫楚就社中與語。遂

載于歸。終不肯坐。後數年去。莫知其所。其寢處得一石竹子。其詩曰。末世流奔。以文代質。逝將抱此元虛。

歸我寂寞之室。御覽五百二。逸民部二。

夏統音書隱逸傳作第三。

夏統字仲御。會稽人。常學戲船。其母疾。市藥于洛陽。賈充聞而訪之。問曰。卿居海何作戲習。仲御曰。能戲船耳。充因命焉。仲御卽登舟。鼓柁爲鯨。音浮。音甫。之歌。學鯨鯨之狀。俄雲霧杳冥。白魚躍入其舟。充甚異之。因就與語。仲御不對。充整服謝之。仲御引棹而去。弗之見也。充乃歎曰。可謂木石人心哉。初。仲御在鄉也。人或說之使仕。仲御勃然作色。謂之曰。我安能逐俗低眉下意乎。聞君之言。不覺寒毛競豎。白汗四布。顏如渥丹。心如火炙。舌不住齒。口不能張。兩耳閉塞。雙眸俱瞑也。遂竟不往。御覽五百二。逸民二。

董養音書隱逸傳作第七。

董養字仲道。太始初。到洛下。干祿求榮。世說新語注五。

惠帝時。遷楊后于金墉。有侍婢十餘人。賈后奪之。然後絕膳。八日而崩。仲道喟然歎曰。天人既滅。大亂將

至。傾危宗廟。在其日矣。御覽五百二。

皇太孫臧外祖蔣迪。吳興人。後迪作酪。常釀未成。大甕自行。迪打酪甕破。問景。當作董。養養曰。當生太子儲

副。御覽七百五十八。

永嘉中。洛城東北角步廣里中。地陷。中有二鵝。蒼者飛去。白者不能飛。問之博識者。不能知。養聞歎曰。昔

周時所盟會狄泉。此地也。卒有二鵝。蒼者胡象。後明當入洛。名瑞記作後胡當入海。白者不能飛。此國諱也。世說新語注五。

顧謝錕。阮千里等曰。時既如斯。難可保也。不如深居巖洞耳。乃自荷擔。妻子推鹿車。入于蜀山。莫知所止。

御覽五百二。逸民二。

郭文。晉書隱逸傳第十四。

郭文字文舉。河內人。隱居不仕。常居臨安。及吳興。餘杭。依山結廬。臨清。植穀種麻。以供衣食。常著褐巾。披

鹿皮。其山多虎豹。文獨無藩籬格障。虎豹竝不至。大興中。揚州刺史王導聞其名。乃自迎與相見。御覽五百二。

郭文得疫癘。病危。困不肯服藥。曰。命在天。不在藥。同上七百四十二。

尋而逃去。莫知所在。同上五百二。

文入餘杭山。蘇峻未亂之前，詣臨安山中。臨安令萬寵迎着縣中養病。及峻黨破餘杭，而臨安如故。人始異之。自後不復語。但舉手指麾以宣其意。病甚。寵問先生可復得幾日。文三舉其手，果以十五日終。御覽三百七十

郭瑀晉書隱逸傳作三十一

郭瑀字元瑜，燉煌人也。避世不仕。涼州牧張天錫遣使者孟公明備禮徵瑀，乃指翔鴻以示之，曰：「此鳥也。飛青雲之外，翔深谷之中，自東自西，安可籠也。」遂逃入山。公明乃拘其門人瑀，歎曰：「吾入山逃祿，非避罪。豈得隱居行義，翻害門人乎？」乃出就徵。及至姑臧，值天錫母卒，括髮入弔，三踊而出，還入其山。天錫弗能強之，後莫知所在。御覽五百二 逸民二

霍原晉書隱逸傳作第八

霍原字休明，燕國廣陽人也。少有志力。叔父坐法當死，原入獄訟之。楚毒備加，終免叔父。年十八，觀太學行禮，因留。貴游子弟聞而重之。元康末，原以賢良徵，累下州郡以禮遣，皆不到也。御覽五百二 逸民二

時王浚稱制邊垂，潛使人問霍原，原不答。浚心銜之。又有遼東內徙當作囚三百餘人，依山爲賊，意欲劫

原爲主，亦未能行。時有謠曰：「天子在何許，近在豆田中。浚以爲豆者，藿也。浚遂害原，懸其首。諸生悲哭其

中。類聚八十五 御覽八百四十一

郭琦晉書隱逸傳作第九

郭琦字公偉。太原晉陽人也。少方直有雅量。博學。武帝欲以琦爲佐著作郎。問琦族人尙書郎郭彰。彰素疾琦。不附己。答曰。不識。帝曰。若如卿言。烏丸家兒能事卿。卽堪郎矣。遂決意用之。及趙王倫篡位。又欲用琦。琦曰。我以一作己爲武帝吏。不容復爲今世吏。終身處于家。御覽二百三十四又五百二

魯褒晉書隱逸傳作第十一

魯褒字元道。南陽人也。好學多聞。以貧素自立。元康之後。綱紀大壞。褒傷時之貪鄙。乃隱姓名。著錢神論以刺之。褒不仕。莫知所終。御覽五百二逸民二

任旭晉書隱逸傳作第十三

任旭字次龍。臨海章安人也。幼孤。兒童時勤于學。及長。立操清修。不染流俗。鄉曲推而愛之。永康初。惠帝博求清節俊異之士。太守仇馥薦旭。清貞潔素。學識通博。詔下以禮發遣。旭以朝廷多故。尙志隱遁。辭疾不行。元帝初鎮江東。聞其名。辟爲祭酒。竝不就。咸和二年卒。御覽五百二逸民二

龔壯晉書隱逸傳作第十五

龔壯字子璋。巴西人也。潔己自守。與鄉人譙秀齊名。值惠懷末。天下大亂。李特爲寇。壯父叔竝爲李特所害。壯積年不除喪。力弱不能復讐。及李壽戍漢中。壽時與李期有隙。期特孫也。壯欲假壽以報。乃說壽曰。

節下若能并有西土稱藩于晉人必樂從且捨小就大以危易安莫大之策也壽然之遂率衆討期果克之壽以襲僞號欲官之壯誓不仕以上亦見四百八十一因校補十六字賂遺一無所受壯書說壽以歸順允天心應人望

永爲國藩福流子孫壽不納壯謂曰百行之本莫先忠孝既假壽殺期私仇以雪又欲使其歸朝以明臣節壽既不從壯遂稱耳聾又云手不制物終身不復至成都下帷研攷經典覃思文章至李勢時卒御覽五百

三逸民

韓績晉書隱逸傳第十七

韓績字興齊廣陵人也先世避亂居于吳之嘉興父建仕吳至大鴻臚績少好文學以潛退爲操布衣蔬食不干當世由是東土竝宗敬焉司徒王導聞其名辟以爲掾不就咸康末會稽內史孔愉上疏薦之詔以安車束帛徵之稱老病卒于家同上

譙秀晉書隱逸傳第十八

譙秀字元彥巴西人也少而靜默不交于世知天下將亂預絕人事雖內外宗親不相見郡察孝廉州舉秀才皆不就及李雄據巴蜀慕秀名具束帛安車徵皆不應常冠皮弁弊衣躬耕山藪後避難宕渠鄉里宗族依憑之者以百數秀年八十衆代之負擔秀曰各有老弱當先營護吾氣力猶足自堪豈以垂朽之年累諸君也年九十餘卒同上

辛謐晉書隱逸傳第二十一

辛謐字叔重隴西狄道人也。少有志尚。博學善書。屬文恬靜。不妄交遊。召拜太子舍人。諸王文學。累徵不赴。永嘉末。沒于劉聰。拜太中大夫。固辭不受。又歷石季龍之世。竝不應辟命。雖處喪亂之中。頽然高邁。視榮利蔑如也。及冉閔僭亂。復備禮徵爲太常。謐遺閔書。因不食而卒。同上

索襲晉書隱逸傳第二十三

索襲字偉祖。燉煌人也。虛靜好學。不應州郡之命。舉孝廉。賢良方正。皆以病辭。遊思于陰陽之術。著天文地理十餘篇。多所啟發。不與當世交通。或獨語獨笑。長歎涕泣。或請問不言。燉煌太守陰澹。奇而造焉。經日忘返。出而歎曰。索先生碩德名儒。真可以諮大義。澹欲行鄉射之禮。請襲爲三老。會病卒。時年七十九。

同上

楊軻晉書隱逸傳第二十四

楊軻天水人也。少好易。長而不娶。學業精微。養徒數百。常食麤飯。飲水衣短褐。人不堪其憂。而軻悠然自得。疎賔異客。音旨未曾交也。雖受業門徒。非入室弟子。莫得親言。欲所論授。入室弟子令相與宣授。劉曜僭號。徵拜太常。軻固辭不赴。曜亦敬而不逼。遂隱于隴山。及曜爲石勒所擒。秦人東徙。軻留長安。石季龍嗣位。備玄纁束帛安車徵之。軻以疾辭。迫之乃發。既見季龍。不拜。與語不言。有司以軻倨傲。請從大不敬。

論季龍弗從。下詔任軻所尙。常臥土牀。覆以布被。僕寢其中。下無茵褥。潁川荀鋪好奇之士也。造而談經。軻瞑目不食。鋪發軻被。露其形。大笑之。軻神體頽然。無驚怒之狀。于時咸以爲焦先之徒。未有能量其深淺也。後上疏陳鄉思求還。季龍送以安車蒲輪。自歸秦州。仍教授不絕。御覽五百三十三。逸民三。

公孫鳳

晉書隱逸傳第二十五。

公孫鳳字子鸞。上谷人也。隱于昌黎之九城山。冬衣單布。寢土牀。

晉書本傳。下有夏則并食于器。停令臭敗。然後食之。三句。

彈琴吟詠。

陶然自得。人咸異之。莫能測也。慕容暉以安車徵至鄴。及見暉。不言不拜。

晉書本傳。下有衣食舉動如五字。

在九城賓客造請。鮮得與言。數年病卒。同上。

公孫永

晉書隱逸傳第二十六。

公孫永字子陽。襄平人也。少而好學。恬虛。隱于平郭南山。不娶妻妾。非所墾植。不衣不食。吟詠巖間。欣然自得。年逾九十。操尙不虧。與公孫鳳俱被慕容暉原作暉徵至鄴。王公已下造之。不與言。雖經隆寒盛暑。端

然自若。一歲餘。詐狂。暉送之于平郭。後苻堅又將備禮徵之。難其年耆路遠。遣使致問。未幾卒。堅深悼之。

原作暉

難其年耆路遠。遣使致問。未幾卒。堅深悼之。

御覽五百三十三。逸民三。

張忠

晉書隱逸傳第二十七。

張忠字巨和。中山人也。永嘉之難。隱于泰山。恬靜寡欲。清虛服氣。滄芝餌石。修導養之法。冬則緼袍。夏則

帶索端拱尸居。無琴書之適。不修經典勸教。但以至道虛無爲宗。其居依崇巖幽谷。鑿地爲窟。弟子

原脫。居窟去六十餘步。五日一朝。其教以形不以言。弟子受業。觀形而退。立道壇于窟上。每旦朝拜之。食

用瓦器。鑿石原誤爲釜。原誤左右居人饋之衣食。一無所受。年在期頤。而視聽無爽。苻堅遣使徵之。乃至

長安。堅賜以衣冠。辭曰。年朽髮落。不堪衣冠。請以野服入謁。從之。後堅以安車送之。行達華山。歎曰。我東

岳道士。歿于西岳。命也。奈何。行五十里。及關而死。堅諡曰安道先生。御覽五百三
逸民三。

石坦晉書隱逸傳
第二十八。

石坦字洪孫。自云北海劇人。居無定處。不娶妻妾。不營產業。食不求美。衣必麤弊。或有遺其衣服。受而施
人人有喪葬。輒杖涕弔之。路無遠近。時有寒暑。必在其中。或同日共時。咸皆見之。姚萇之亂。莫知所終。

同上

郭荷晉書隱逸傳
第三十。

郭荷字承休。洛陽當作略人也。六世祖整。漢安順之世。公府八辟。公車五徵。皆不就。自整及荷。世以經學

致位。荷明究羣籍。特善史書。不應州郡之命。張祚遣使者以束帛安車徵爲博士祭酒。後上疏乞還。祚以

安車蒲輪送還。張掖東山。年八十四。此字原卒。諡曰玄得先生。同上

祈嘉晉書隱逸傳
第三十二。

祈嘉字孔賓。酒泉人也。少清貧好學。年二十餘。夜忽窗中有聲呼曰。祈孔賓。隱去來。修節人間甚苦不可諧。所得分毛銖。所喪如山崖。且而逃去。至燉煌。依學宮誦書。貧無衣食。爲儒生郡當作。養以自給。遂博通經傳。精究大義。而教授門生百餘人。張重華徵爲儒林祭酒。稱爲先生。而不名之。竟以壽終。同上

瞿劭先生晉書隱逸傳第三十三

瞿劭先生者。不得姓名。亦不知何許人也。泰和末。常居宣城郡界。下當有文。晉二字。山中有瞿劭。因以名焉。大司

馬桓溫常往造之。既至。見先生被鹿裘坐于石室。神無忤色。溫及僚佐數十人皆莫測之。乃命伏滔爲之銘贊。竟卒于山中。同上

宋織晉書隱逸傳第二十九

宋織字令文。晉本傳作艾。燉煌人也。少有遠操。沈靜不與世交。隱于酒泉南山。酒泉太守馬岌。高尚之士也。具

威儀。鳴鑄鼓。造織高樓重閣。拒而不見。岌歎曰。名可聞而身不可見。德可仰而形不可觀。吾乃今而後知先生人中之龍也。題詩于石壁云。丹崖百丈。青壁萬尋。奇木蒼鬱。蔚若鄧林。其人如玉。維國之璣。室邈人遐。實勞我心。織注論語。及爲詩頌數萬言。年八十。篤學不倦。張祚後遣使者備禮。徵爲太子友。逼喻甚切。織喟然歎曰。德非莊生。才非干木。何敢稽停明命。遂至姑臧。祚遣其太子以執友禮造織。稱疾不見。贈遺一皆不受。後卒。諡曰玄虛先生。同上

鄧粲

晉書列于陳壽等之中。御覽逸民引王隱書作第二十六。

鄧粲長沙人也。少以高潔著名于南陽。劉麟之南郡劉尚公同志友善。竝不應州郡辟命。荊州刺史桓沖卑辭厚禮。請粲為別駕。粲嘉其好賢。乃起應召。麟之尚公謂粲曰。卿道廣學深。衆所推懷。忽然改節。誠失所望。粲禽曰。足下可謂有志于隱而未知隱。夫隱之為道。朝亦可隱。市亦可隱。隱初在我。不在于人。尚公等無以難之。御覽五百三逸民三。

汜騰

晉書隱逸傳第十三。

汜騰字無忌。燉煌人。舉孝廉。除郎中。天下兵亂。去官還家。太守張闔造之。閉門不見。禮遺一無所受。歎曰。吾聞亂世貴而能貧。乃可以免。散家財五十萬。以施宗族。柴門灌園。琴書自適。刺史張軌徵之。為府司馬。騰曰。門一杜。其可開乎。固辭病卒。同上

王長文

晉書不載。御覽逸民引王隱書作第二十八。

王長文字德郁

一作德。廣漢郡人。世為郡守。少以才學知名。放蕩不羈檢。益州五辟。公府再辟。皆不就。又送別駕傳辟之。長文

九字依書鈔補。

陽狂不詣。郡縣舉致。乃微服竊出。舉州莫知所之。追求之。乃一作于

成都賣熟市中。見長文蹲踞地上。

一作蹲地。

而坐齧胡餅食之。刺史知其不屈。一作禮送于

是閉門自守。不交人事。著通玄經四卷。文言卦象。可用以為卜筮。

御覽三百九十四。又五百三。又七百三十九。

朱冲晉書隱逸傳作第四

朱冲字巨融本傳作容少有德行鄰人牛犯冲苗冲乃擔芻送牛牛主大慙不敢復暴御覽八百九十八

魯勝晉書隱逸傳作第六

魯勝字叔時以歲日望氣乃長嘆知將來多故便稱疾去官中書令張華敬之欲用之遣二子喻意遂不動御覽十五

伍朝晉書隱逸傳作第十

伍朝字世明好學該博顯命屢加不就鎮南將軍劉宏上請補零陵太守主者以非選竟不聽尚書郎胡濟言朝守靜衡門志道日新誠江南之良才邱園之逸老也且白衣爲郡前漢有舊賁于家食近代所崇事可行也朝竟不就後卒于家御覽五百十逸民十按原引虞般佑高士傳注云王隱晉書亦同也

王隱晉書卷十

方技傳

陳訓

甘卓爲揚威將軍。歷陽內使。陳訓私語人曰。甘公頭低視仰。目中有赤脉。當厄于兵。勿與將可也。果爲王

敦所害。御覽三百六十六。

戴洋

戴洋病亡。天神使爲酒藏吏。授符持幡麾。將上蓬萊諸山。五日更生。御覽三百四十一。

丹陽太守王導問洋得病七年。洋曰。君侯命在申。爲土地之主。而于申上治。火光照天。此爲金火相爍。水

火相炒。以故相害。導呼冶令奔遜使。啟鎮東徙。今東冶是也。世說注八。

毛寶據邾城陷。寶屍沈江不出。戴洋移告河伯諸神。使出寶屍。十餘日乃出。類聚五十二。御覽五百九十七。

韓友

韓友字景先。廬江舒人也。善卜占。行京費。厭勝之術。龍舒長鄧子林婦病積年。垂死。醫巫皆息。友爲筮之。使畫作野猪象。著臥處。屏風上一宿覺佳。于是遂差。舒縣廷掾王睦卒。病死已復呼魄。家人就友卜。令以

丹書板作日月。置尸頭前。又臥以虎皮馬障泥。登時大愈。此節亦見御覽三百五十九。劉世則女病鬼魅積年。巫爲祈禱。伐空冢故城間。得蠶數十。猶不差。友筮之。令作布囊。女發時。張囊著窗牖間。友閉戶作氣。若有所驅逐。斯須之間。囊大脹如杏葱葉。因便敗。女仍大發。友乃更作皮囊二枚。杏張之。施如前。囊復脹滿。因急縛囊口。懸著樹間。二十許日。漸消。下開視。有一二斤毛。狀如狐毛。女遂大差。御覽七百二十七。

淳于智

淳于智字叔平。濟北人也。性沈深有思義。少爲諸生。善易。高平劉柔夜臥。鼠嚙其左手中指。意甚惡之。以問智。智筮之曰。鼠本欲殺君而不能。當相爲使之反死。乃以朱書其手腕。橫文後三寸爲田字。辟方一寸二分。使夜露手以臥。明旦有一大鼠伏死手前。此節亦見御覽三百七十。譙國夏侯藻母病困。五鼓中出詣智卜。有一

狐當門向之。噪喚。藻愁愕。遂馳詣智。智曰。其禍甚急。君速歸。在狐噪處。撫心啼哭。令家人驚怪。大小畢出。一人不出。啼哭勿休。然後其禍僅可救也。藻如之。母亦扶病而出啼。家人既集。堂屋五間。拉然暴崩。護軍張邵母病篤。智筮之。使西出市沐猴。繫之母臂。令傍人搥拍。恒使作聲。三日三夜。放去。劬從之。其猴出門。卽爲犬所咋死。母病于此漸差。御覽七百二十七。

上黨鮑瑗家多喪病。貧苦。或謂曰。淳于叔平。神人也。君何不試就卜。知禍所在。瑗性質直。不信卜筮。曰。人生有命。豈卜筮所移。會智適來。應思遠謂之曰。君有通靈之思。而但爲貴人用。此君寒士。貧苦多屯蹇。可

爲一卦。智乃爲卦。卦成。謂瑗曰。爲君安宅者。女子工耶。曰是也。又曰此人已死耶。曰然。智曰此人安宅失宜。既害其身。又令君不利。君舍東北有大桑樹。君可徑至市。入門數十步。當有一人持新馬鞭者。便就請買。還以懸此桑樹。三年當暴得財也。瑗承其言。詣市果得馬鞭。懸之。正三年。浚井得錢數十萬。銅鐵古文雜器。復可二十餘萬。于是家業用展。病者亦愈。一作業用既展。家亦無患。御覽一百八十。又事類賦注井略。應詹少多患。滔于智乃爲符使佩之。其文曰。惟茲寶錄。降自旻蒼。佩以周旋。萬壽無疆。書鈔

步熊

步熊字叔巖。陽平人。少好卜筮術數。門徒甚盛。學舍側有燒死人。吏疑是熊諸生失火。持諸生急。熊曰。吾已爲卜得其人矣。使從道南行。當有一人來。問得火主來者。便縛之。吏如熊言。果是耕人。自言草惡難耕。故燒之。忽風起。延燒。實不知草中有人。又鄰人兒遠行。或告已死。其父母號哭制服。熊爲卜。尅日當還。如期果至。御覽七百二十六。

趙王倫辟熊。熊言倫死不久。不足應。有人告倫。倫遣圍之。熊使諸生著已裘南走。圍者皆奔之。熊密從北道走得脫。御覽六百九十四。

烈女傳

愍懷太子妃王氏

愍懷太子妃王衍女也。類聚十六。

初世祖遣才人謝玖給事惠帝。因是有娠。臨娶賈妃。迎玖西宮。遂生愍懷太子。惠帝即位。立為皇太子。為
娉王夷甫小女惠風。賈后暴戾日甚。乃表乞免為庶人。送太子妃王氏入金墉城。妃父尚書令王衍見脅。
表離婚。妃出金墉城。號哭。感動左右。道路為之悲愴也。御覽百四十九。臧為皇太孫。詔還妃王氏以母之。稱太孫太妃。
劉曜王彌入洛。盡將諸后妃去。愍懷太子王妃獨拔刀向賊。按新書以惠風賜其將裔屬。曰：我司徒公女。皇太子妃。死則
死。一作已。終不為賊婦。賊乃害之。初學記十。類聚十六。御覽百四十九。

王坦之妻

蘇峻亂。王坦之妻以席自障得免。書鈔。按稽王隱晉書。

寶滔妻蘇氏

寶滔妻蘇氏。善屬文。苻堅時。滔為秦州刺史。被徙流沙。蘇氏思之。織錦為迴文詩。以寄滔。循環宛轉。以讀
之。詞甚悽切。御覽八百十五。

王隱晉書卷十一

王敦沈充

王敦字處仲文選讓中書令表注

中宗時爲大將軍同上

謀逆同上

肅祖以爲丞相不受同上

王敦枉害刁協及敦病白日見協乘輅車從吏驕詣敦而仰頭瞑目御覽三百六十六

沈充敗于吳興吳興人吳儒充之將也充亡失道誤入儒家儒內充重壁因笑謂充曰三千戶侯也充曰

封侯不足貪也爾大義全我我宗族必厚報汝若必殺我汝族滅矣儒遂殺之充子勁字世堅卽潛報仇

族滅吳氏御覽四百八十一

桓溫孟嘉

桓溫父被害之時溫年十五枕戈泣血欲報仇經年方知乃提刀直進手刃仇人由是名重當時御覽四百八十一

溫爲大司馬王珣與謝玄俱被辟桓溫曰謝掾必擁麾杖節王掾當作黑頭公未易才也御覽三百六十四

桓溫性儉。每讌唯下匕奠。拌菜果而已。御覽九百七十六。

孟嘉爲桓溫參軍。九月。溫遊龍山。僚屬畢集。風吹嘉帽落不覺。如廁。孫盛時在坐。溫授紙筆命嘲之。著嘉

坐處。嘉還見之。笑請紙作答。了不容思。事類賦注秋。

桓玄

義軍起。桓玄問衆曰。朕其敗乎。賈靖之對曰。神怒民怨。臣實憂懼。玄曰。神何爲怒。民何爲怨。對曰。殺晉宗廟。飄零落薄。無所祭之。不及祖先。此其所以怒也。玄曰。卿何不諫。將曰。輦轂諸君。皆以爲堯舜之世。臣何

敢諫。御覽七百七十四。

祖約

祖約爲豫州刺史。胡騎至攻城。大戰。其日西風。兵火俱攻。賊以繩係鐵鉤。擗挽城樓。樓柱拔壞。又作鐵鉤。擗城登梯。得上所挽樓。城北角行牆三十步壞。約始大怖。使戴洋呼孫叔敖。伍子胥。卿若使胡奴得城。當持白酒寸脯着卿前。急令轉風却賊。當上肥牛。日中後風轉下。哺賊退。亦不知風偶自轉。抑爲能感動。御覽

三百十八。

祖約爲豫州刺史。府中地忽赤如丹。約竟敗見殺。御覽八百八十八。占經四。

蘇峻

蘇峻字子高，長廣掖人。少有才學，仕郡主簿，舉孝廉。值中原亂，招合流舊三千餘家，結壘本縣，宣示王化，收葬枯骨，遠近感其恩義，咸共宗焉。世說注四

討王敦有功，封公。遷歷陽太守。峻外營將表曰：鼓自鳴，峻自斫鼓曰：我鄉里時有此則空城，有頃詔書徵峻。峻曰：臺下云我反，反豈得活耶？我寧山頭望廷尉，不能廷尉望山頭，乃作亂。同上

劉淵

劉淵殘虐，所在城邑無不傾敗，流離死散，殆無孑遺。御覽四百九十二

石勒

石勒鄉里所居原上地中，石生，日長，類鐵之象。御覽五十一

石勒時有謠云：一杯食，有兩匙。石勒死，人不知。御覽七百六十

石虎

石季龍死，朝廷欲遂蕩平關河。文選永平十一年策秀才文注

慕容皝

慕容皝田于南鄙，見父老曰：此非獵所，言卒不見。既明日，又出，見白兔，馳射之，墜馬於石，卽死。御覽九百七

苻生

苻生常使太醫令程延合安胎藥。問人參好惡。并藥分多少。延曰。雖小小不具。自可堪用。生以爲譏。已遂

斬之。御覽九百八十四。

苻堅

慕容冲進逼。苻堅送一領錦袍遺冲。詔古者交兵。使在其間。今送一袍。以明本懷。御覽六百九十三。

苻丕

慕容垂攻苻丕。不在鄴。糧竭。馬無草。但削松木而食之。御覽九百五十三。

赫連勃勃

赫連勃勃性工巧。然殘忍刻暴。乃蒸土築城。錐入一寸。卽殺作者。錐若不入。卽殺行錐者。而并築之。御覽七百

六十

補遺

程咸

程咸字延休。書鈔引作延祚。魏郡武安人也。其母夜夢白頭公授之。以藥曰。服此當生貴子也。生咸。好學有才。

爲鍾毓主記。毓弟會問有可與語吏否。毓乃稱咸。御覽三百六十一。又九百八十四。

太始十年詔曰。黃門郎程咸。博學洽通。文藻清敏。其以爲散騎常侍。書鈔

王隨

咸康元年督護王隨領三千人討寧州賊三角皆裂軍人惡之隨曰裂者破也當破賊而不得土地也到西平郡界兩道討賊賊守馬羨奔走民皆歸降御覽三百二十九

趙孟

趙孟字長舒入補尚書都官令史善于清談有國士之風其面有疵黠諸事不決皆言當問疵面也同上三百

六十五·書鈔
·引闕趙字·

傅勛

尚書令傅勛久羸瘦上令大官給乳酪同上三百八十六

摯瞻

王敦參軍摯瞻見敦以故壞裘賜老外部都督曰此裘雖故不宜與小吏敦曰何故瞻曰上服賜下貂蟬亦可賜下乎同上六百九十四

車永

車永爲廣州刺史永子溢多使工作象牙細篋工患及之乃共舉出永同上七百八

劉子篤

潁川襄城二郡班宣相會累欲作樂謂角抵戲襄城太守責功曹劉子篤曰卿郡人不如潁川人相撲篤曰

相撲下技不足以別兩國優劣請使二郡更論經國大理人物得失同上七百五十五

諸葛宏

諸葛宏字茂遠琅邪人魏雍州刺史緒之子有逸才仕至司空主簿世說注三

楊朗

楊朗有器識才量善能當世仕至雍州刺史世說注四

李苾

李苾字升平爲功曹除吏部令史用法平整書鈔

戴熾

譙郡太守李詮稱散吏戴熾當盡州席坐後竟爲治中同上

梁益

梁益爲太子中庶子才行優著同上

劉恢

劉恢字長升爲尚書左丞正色在朝三臺清肅出兼中丞初學記十一

任熙

任熙字伯遠。立德邈然。徵拜給事中。初學記十二。

盧播

盧播詐論功。免為庶人。徙北平。文選關中詩注。

袁瑜

袁瑜字世都。同上謝平原內史表注。

楊肇

楊肇碑曰肇字秀初。滎陽人。封東武伯。苑諡曰戴。六臣文選楊荊州誄注。

甄彬

甄彬奏曰不宜違人之素志。文選為范尚書讓吏部封侯表注。

馬敦

贈馬敦詔曰。今追贈牙門將軍印綬。祠以少牢。文選馬汧督誄注。

張劭

張承張承孫。張承劭。晉中護軍。與舅楊駿俱被誅。三國志注十一。裴稱晉書皆隱所撰。按。

張殷張緝孫

張緝孫殷晉永興中為梁州刺史。三國志注十五

張揖

魏太和六年博士河間張揖上古今字詁其巾部曰紙今帟也其字從巾古以縑帛依書長短隨事截之絹數重沓即名幡紙字從系此形聲也漢和帝元興中中常侍蔡倫以故布擣剉作紙故字從巾是其聲雖同系巾為殊不得言古之紙為今紙。御覽六百五初學記二十一

常岢常林子

諸葛誕反大將軍東征岢坐稱疾為司馬文王所法。三國志注二十三

附錄此條不知所附

詔曰今之尙書令皆古之百揆之任也。文選齊竟陵文宣王行狀注

虞預晉書

宣帝

上雖服膺文藝。以儒素立德。而雅有雄霸之量。值魏氏短祚。內外多難。謀而鮮過。舉必獨克。知人拔善。顯揚側陋。王基、鄧艾、州泰、賈越之徒。皆起自寒門。而著績于朝。經略之才。可謂遠矣。御覽九十五。

武帝

武帝論平吳功。唯羊祜、王濬、張華三人。各賜絹萬疋。其餘莫得此比。御覽八百十七。

元帝

愍帝以上爲丞相。及西都不守。徵兵進而糧運稽期。丞相府斬督運令史涓于伯。血逆流著柱。終柱末二丈三尺。旋復流下四尺五寸。百姓咸稱其冤。御覽三百七十五。

王祥

祥以後母故陵遲不仕。年向六十。刺史呂虔檄爲別駕。時人歌之曰。海沂之康。實賴王祥。邦國不空。別駕之功。世說注一。

累遷太保。世說注一。

裴秀

裴秀字季彥。河東聞喜人。父潛。魏太常。秀有風操。八歲能著文。叔父徽有聲名。秀年十餘歲。有賓客詣徽。出則過秀。時人爲之語曰。後進領袖有裴秀。大將軍辟爲掾。父終。推財與兄。年二十。遷黃門侍郎。世說注四。

晉受禪。封鉅鹿公。世說注四。

累遷左光祿。司空。四十八薨。諡元公。配食宗廟。同上

扶風王駿

扶風王駿字子臧。宣帝第十七子。好學至孝。世說注一。

王浚

王浚字彭祖。王渾從子。司空王沈賤嬖出也。少時不爲親黨所知。渾謂弟深等曰。卿等莫輕彭祖。此兒。平世不滅方州牧伯。亂世可爲都督三公。懷愍之世。果爲幽冀都督。位至鼎輔。如渾所說。御覽五百十三。

荀勗

荀勗字公曾。潁川潁陰人。漢司空爽曾孫也。十餘歲能屬文。外祖鍾繇曰。此兒當及其曾祖。爲安陽令。民生爲立祠。世說注三。

累遷侍中。中書監。世說注三。

魏舒

魏舒少名遲鈍。唯太原王又稱之曰。卿終當爲台輔。然亦不能令妻子免飢寒。吾當助卿營之。常借給之。舒受而不辭。御覽四百四十一。

王渾

王渾字玄沖。太原晉陽人。魏司徒昶子。世說注六。

仕至司徒。世說注六。

山濤

山濤字巨源。河內懷人。祖本。郡孝廉。父曜。冤句令。濤蚤孤而貧。少有器量。宿士猶不慢之。年十七。宗人謂宣帝曰。濤當與景文共綱紀天下者也。帝戲曰。卿小族。那得此快人邪。好莊老。與稽康善。爲河內從事。與石鑿共傳宿。濤夜起。踟躕曰。今何等時。而眠也。知太傅臥何意。鑿曰。宰相三日不朝。與尺一令歸第。君何慮焉。濤曰。咄。石生無事。于馬蹄閒也。投傳而去。果有曹爽事。遂隱身不交世事務。累遷吏部尙書。僕射。太子少傅。司徒。年七十九薨。諡康侯。世說注一。

山簡

山簡字季倫。平雅有父風。與嵇紹。劉謨等齊名。遷尙書。出爲征南將軍。世說注五。

山嶽濤族子

山嶽守潁川

文選與山巨源絕交書注

王戎

戎父渾有令名官至涼州刺史渾薨所歷九郡義故懷其德惠相率致賻數百萬戎悉不受戎由是顯名

世說一

王衍

王衍字夷甫琅邪臨沂人司徒戎從弟父又平北將軍夷甫早知名以清虛通理稱仕至太尉為石勒所

害世說注二

樂廣

樂廣字彥輔南陽人清夷冲曠加有理識累遷侍中河南尹在朝廷用心虛淡時人重其貞貴代王戎為

尚書令世說注二

盧欽

盧欽字子若少好學為尚書僕射加侍中奉車都尉書鈔引有上七字

領吏部欽清實選舉稱為廉平初學記十一書鈔文選注四十六御覽二百十四

欽少居名位。不顧財利。清虛淡泊。動修禮典。同郡張華家。單少孤。不爲鄉邑所知。惟欽貴異焉。欽子浮字子雲。三國志注二十二。

和嶠

和嶠厚自封植。嶷然不羣。世說注五。

武陔

武陔字元夏。沛國竹邑人。父周字伯南。有顯名。魏位至光祿大夫。陔及二弟詔、茂。皆總角見稱。並有器望。雖鄉人諸父。未能覺其多少。時同郡劉公榮。昶字名知人。嘗造周。周思見其三子。謂曰。卿有知人之明。欲

使三兒見卿。卿爲目高下。以效郭許之聽可乎。公榮乃自詣。一作陔兄弟。與共言語。觀其舉動。便出語周

曰。君三子。皆國士也。元夏器量最優。有輔佐之風。展力仕宦。可爲亞公。叔夏季夏。不減。一作常伯。納言也。

陔少出仕宦。歷職內外。泰始初。爲吏部尙書。遷左僕射。右光祿大夫。開府儀同三司。卒于官。以上亦見世說注四。御覽四

百四十一陔以在魏已爲大臣。本非佐命之數。內懷遜讓。不得已而居位。故在官職無所荷任。夙夜思恭。而

已終始全潔。當世以爲美談。詔歷二官。吏部郎。山濤啟事。稱詔清白有誠。終于散騎常侍。茂至侍中。尙書

潁川荀愷。宣帝外孫。世祖姑子。自負貴戚。要與茂交。茂拒而不答。由是見怒。元康元年。楊駿被誅。愷時爲

尙書僕射。以茂駿之姨弟。陷爲駿黨。遂枉見殺。衆咸冤痛之。三國志注二十七。

劉頌

劉頌字子雅。辟州府掾。奉使于蜀。時蜀新平。人飢土荒。頌表求賑貸。未報。頌乃開倉出穀。蜀民賴之。太祖以頌專輒除名。書鈔

嵇康

嵇康家本姓奚。會稽人。先自會稽遷于譙之銍縣。改爲嵇氏。取嵇字之上與山以爲姓。蓋以志其本也。一曰銍有嵇山。家于其側。遂因氏。末三句亦見三國志注世說注一。二十一。

庾琮

庾琮字子躬。潁川人。太常峻第二子。仕至太尉掾。世說注五。

周處

周處入晉爲御史中丞。多所彈糾。不避彊禦。齊萬年反。以處爲建威將軍。西征。衆寡不敵。處臨陣慷慨奮不顧命。遂死于戰場。追贈平西將軍。處子玘。札。皆有才力。中興之初。並見寵任。其諸子姪。悉處列位。爲揚土豪右。而札凶淫放恣。爲百姓所苦。泰寧中。王敦誅之。滅其族。三國志注六十。

西陽王叢

汝南王亮子。

西陽王叢上書曰。朱旗南指。自相夷戮。文選與陳伯之書注。

趙王倫

趙王倫篡位。侍中常侍九十七人。每朝。小人滿庭。貂蟬半座。時人謠曰。貂不足。狗尾續。文選爲范尙書讓吏部封侯表注。

齊王冏

齊王冏字景治。齊王攸子也。少聰慧。及長。謙讓好施。趙王倫篡位。冏起義兵。誅倫。拜大司馬。加九錫。政皆決之。而恣用羣小。不復朝覲。遂爲長沙王所誅。世說注三。

華軼

華軼字彥夏。平原人。魏太尉歆曾孫也。累遷江州刺史。傾心下士。甚得士歡心。以不從元皇命見誅。世說注四。

祖逖

祖逖字士稚。范陽道人。豁蕩不修儀檢。輕財好施。世說注五。

王導

王導上言曰。迴青蓋以反上京。文選石闕銘注。

溫嶠

溫嶠字太真。太原祁人。少標俊清徹。英穎顯名。爲司空劉琨左司馬。是時二都傾覆。天下大亂。琨聞元皇

受命中興。忼慷幽朔。志在本朝。使嶠奉使。嶠喟然對曰。嶠雖乏管張之才。而明公有桓文之志。敢辭不敏。以違高旨。以左長史奉使。詣建康勸進。世說注二。

元帝卽位。以溫嶠爲散騎侍郎。嶠以母亡。逼賊不得往臨葬。固辭。詔曰。嶠以未葬。朝議又頗有異同。故不拜。其令入坐議。吾將折其衷。世說注八。

嶠累遷驃騎大將軍。世說注二。

賀循劭之子。齊之曾孫。

賀氏本姓慶氏。齊伯父純。儒學有重名。漢安帝時爲侍中。江夏太守。去官。與江夏黃瓊。漢中楊厚。俱公車徵。避安帝。父孝德。皇帝諱。改爲賀氏。齊父輔。永寧長。三國志注六十。

賀循丁家禍。流放海濱。吳平。還鄉里。節操高厲。童胤不羣。言行舉動。必以禮讓。好學博聞。尤善三禮。舉秀才。

除陽羨。武康令。顧榮。陸機。陸雲表薦循曰。伏見吳興武康令賀循。德量遂茂。才鑒清遠。服膺道素。風操

凝峻。歷踐三城。刑政肅穆。守職下縣。編名凡萃。出自新邦。朝無知己。恪居遐外。志不自營。年時倏忽。而邈

無階緒。實州黨。愚智所爲。悵然。臣等並以凡才。累授飾進。被服恩澤。忝豫朝末。知良士後時。而守局無言。

懼有蔽賢之咎。是以不勝愚管。謹冒死表聞。久之。召爲太子舍人。石冰破揚州。循亦合衆。謂起兵應周玘。顧祕。討冰也。

事平。杜門不出。陳敏作亂。以循爲丹陽內史。循稱疾固辭。敏不敢逼。于是江東豪右。無不受敏爵位。惟循

與同郡朱誕不挂賊網。後王導說元皇帝引之。循應命。除吳國內史不就。元皇帝爲鎮東將軍。請循爲軍司馬。帝爲晉王。以循爲中書令。固讓不受。轉太常。領太子太傅。時朝廷初建。動有疑議。宗廟制度。皆循所正定。朝野諮詢。以上六句亦見書鈔。爲一時儒宗。年六十。太興二年卒。追贈司空。諡曰穆。循諸所著論。並傳于世。子隰。臨海太守。三國志注六十五。

劉隗

劉隗字大連。彭城人。學涉有具。爲祕書郎。避亂南渡。遂爲中宗從事中郎。甚見器遇。御覽二百四十九。隗爲丞相司直。在朝多所彈糾。雖上不盡從。多見採用也。書鈔。

刁協

刁協字元亮。渤海饒安人。少好學。雖不研精而多所博涉。中興制度。皆稟于協。遷尙書令。中宗信重之。爲王敦所忌。舉兵討之。奔至江南。敗死。世說注二。

戴淵

戴淵一名儼。字若思。廣陵人。才義辯濟。有風標鋒穎。世說注五。

陸機薦淵于趙王倫。曰。蓋聞繁弱登御。然後高墉之功顯。孤竹在肆。然後降神之曲成。伏見處士戴淵。砥節立行。有井渫之潔。安窮樂志。無風塵之慕。誠東南之遺寶。朝廷之貴璞也。若得寄迹康衢。必能結軌驥

驥耀質廊廟。必能垂光瑜璠。夫枯岸之良。果于輸珠。潤山之客。烈于貢玉。蓋明暗呈形。則庸識所甄也。倫

卽辟淵。世說注六。

累遷征西將軍。爲王敦所害。贈左光祿大夫儀同三司。世說注五。

王敦克京邑。參軍呂漪說敦曰。周顛戴淵皆有名望。足以惑衆。觀近日之言。無慙懼之色。若不除之。役將未歇也。敦卽然之。遂害淵。顛初漪爲臺郎。淵既上官。素有高氣。以漪小器待之。故售其說焉。世說注八。

周顛

周顛字伯仁。汝南安城人。揚州刺史浚長子也。世說注二。

司馬彪

司馬彪少篤學不倦。好色薄行。不交人事。專精學問。太始中爲祕書郎。後轉爲丞。御覽二百三十三。

嵇紹

元康元年。河間成都二王舉兵向京都。朝廷北討。徵嵇紹爲侍中。王旅不振。敗績於湯陰。百官侍衛莫不潰散。唯紹以身捍寇。兵突御輦。飛矢雨集。紹遂被害于帝側。血濺御服。及定。左右欲浣衣。帝曰。此嵇侍中血也。

王豹

王豹爲東平主簿。白事齊王曰。況豹雖陋。故大州之綱紀也。

文選爲宋公修張良廟教注

何楨史通人物云。何楨文雅。高于揚豫。而王隱晉史廣列諸傳。而遺此不編。斯網漏吞舟。過爲迂闊者。唐晉書亦依王隱之失。而文苑傳不錄。

何楨字元幹。廬江人也。少而好學。四字依書鈔補。爲尙書郎。特詔參祕書丞。祕書本有一丞。時尙未轉。遂以楨

爲右丞。右丞之置。自楨始也。御覽二百三十三。

楨爲弘農郡守。有楊囂生爲郡吏。楨一見。便待以不臣之禮。遂貢之天朝。初學記二十。

朱鳳晉書

文帝

文王諱昭字子上。宣帝次子也。世說注一。

元帝

元帝諱勰字景文。祖仲。封琅邪王。父恭王瑾嗣帝。襲爵爲琅邪王。少而明惠。因亂過江。起義。遂卽皇帝位。

世說注二。

諡法曰。始建國都曰元。同上。

安平王孚

魏文帝立。以司馬孚爲度支尙書。軍糧計校。一皆由之。書鈔二百十七。御覽。

彭城王權

彭城穆王權字子興。宣帝弟。廋子。太始元年封。世說注六。

梁王彤

梁孝王彤字子徽。宣帝張夫人生。世說注一。

位至太宰。世說注一。

齊王攸

咸寧詔齊王攸之朝車設旗。書鈔

趙王倫

趙王倫字子彝。宣帝桓夫人生。世說注。

倫請三萬人往平齊。萬年朝議不許。文選關中詩注。

位至相國。世說注一。

陳輿

陳輿騫之子。爲左軍。以父老求去職。宿衛不宜曠。詔以爲通直常侍。御覽二百二十四。

前後徙河北諸郡縣居山間。謂之羯胡。文選齊安陸昭王碑文注。

謝靈運晉書

武帝

咸熙二年請禪位表曰。夫唐虞內禪。無兵戈之事。故曰文德。漢晉外禪。有翦伐之事故曰順名。以名而言。安得不僭稱以爲禪代邪。文選于寶武帝革命論注。

武帝時禁絹扇。書鈔一百三十四。

謝靈運論曰。世祖受命禎祥。屢臻苛慝。不作萬國欣戴。遠至邇安。足以彰天啟其運。民樂其功矣。反古之道。當以美事爲先。今五等罔刑。弗由王制。凡諸禮律。未能是正。而採擇嬪媛。不拘華門者。昔武王伐紂。歸傾宮之女。不以助紂爲虐。而世祖平皓。納吳妓五千。是同皓之弊。婦人之封。六國亂政。如追贈外曾祖母。遠古之道。凡此非事。並見前書。誠有玷于徽猷。史氏所不敢蔽也。御覽九十六。

惠帝

元康二年巴西界竹生花。紫色結實如麥。初學記二十八。御覽九百六十二。

懷帝

永嘉五年。劉曜。王彌。入于京都。焚燒宗廟。六宮幽辱。愍懷太子妃王氏拔刀距賊曰。吾皇太子妃。義不爲

逆胡所汗遂見害御覽四百三十九

百官志

秦有太尉掌兵漢仍修之或置或省是故司馬之官主九伐之職初學記十一御覽二百七

古者重武事貴射御取其捷御如僕各置一人尚書六人謂之八座參攝百揆出納王命古元凱之任也

同上御覽二百十一

以其總掌禁中書記謂之中書同上

漢成帝已後無復中書之職同上

漢官尚書為中臺御史為憲臺謁者為外臺是為一作三臺後漢蔡邕以侍御史轉侍書御史遷尚書三

日之間周遷三臺上二十四字依通典二十四引補自漢罷御史大夫而憲臺猶置以丞為臺主中丞是也同上二十二二十六

通典二十四

蕭子雲晉書

姚略時有賀僧者不知何人自云遊歷五郡時人號爲賀五郡齋戒奉道爲百姓說吉凶略死泓立僧謂
泓曰宜潔掃一馬廐開屋設大柳有異馬其大非常自遠來天所送矣御覽三百五十九引蕭子雲晉史草案
蕭子顯書稱晉史草亦有稱蕭景暢晉史

草子雲字景陽
其混稱自宜

明帝以太常桓榮爲五更躬式其間親行養老之禮御覽四百
七十四

蕭子顯晉史草

明帝大寧三年十二月夜有赤氣如牙旗長短四面西南最多案天文占此爲彗星一曰刀星亂之象大

興末及此再見王敦蘇峻之禍其應切矣開元占經八十六

王導妻妒導有衆妾在別館妻知之持食刀將往公遽命駕患牛遲手捉塵尾以柄助打牛蔡謨聞之後詣王謂曰朝廷欲加公九錫王自叙謙志蔡曰不聞餘物唯聞短轅犢車長柄塵尾導大慙太平廣記二百四十六引晉史

案諸家晉書無稱晉史者惟蕭子顯稱晉史草故錄于此

孝武太元十年謝安于步邱築埭後人爲當作之召伯埭御覽二十八引晉史

北狄各以部落爲類其人居塞內者有屠各萎莎羌渠賀賴等種通鑑注晉紀三引晉史通鑑一百九十五

鮮卑被髮左衽故呼爲索頭通鑑注晉紀二十四引蕭子顯曰

沈約晉書

元帝

琅琊國姓牛者與夏侯妃私通。生中宗。史通後魏書及採撰。

周顛王敦素憚之。見輒面熱。雖復臘月亦扇面不休。其憚如此。世說注五。

王羲之在會稽山。見一老姥持十許六角竹扇。羲之因書扇各作五字。語姥云。道是王右軍書。字索百錢。初學記二

裴瓚字國寶。以風神高邁。爲中書郎。出入禁門。見者皆肅然改容。類聚四十八書鈔五十八。

康僧淵有義學。世說注三。

何法盛晉中興書卷一

中宗元皇帝

中宗元皇帝諱睿。字景文。世祖咸寧二年生于洛陽。初誕。有神光之異。一室盡明。所藉蓐如始刈。及長。白毫生日角之左。眼有精曜。嗣爲琅邪王。五字依文選晉紀總論注引補。唯侍中譙國嵇紹少而異之。謂其友曰。琅邪王毛

骨非常。殆非人臣之相。惠帝幸臨漳。中宗從駕。是時中宗叔父東安王繇爲成都王。穎所害。懼禍及。謀出奔。其夜月明。禁衛甚嚴。不能得去。有頃。天暴風雨晦暝。微者四散。中宗乘間得脫。至河陽。爲津吏所止。從

者宗。或作宋。典後至。以馬鞭拂之。謂曰。舍長官。禁貴人。而汝被駐邪。因大笑。由是被釋。自中宗乘間以下。依御覽四百九十四引補。

中原喪亂。中宗初鎮江東。文選述祖德詩注。及遷鎮建業。以顧榮爲軍司馬。禮接名豪。設官分職。隱恤士庶。百姓歸

心焉。初性好酒。王導深以爲誠。乃命左右進觴。躬引覆之。自是不復飲也。愍帝爲胡賊劉粲所沒。中宗素

服出次。舉哀三日。于是百僚稱上尊號。帝固讓。百僚又固請。中宗慨然流涕曰。吾本琅邪王。諸賢見逼不

已。乃呼私奴命。將反國。羣臣不敢復逼。乃求依魏晉故事。爲晉王。許之。劉琨連名勸進。中宗云云。依文選劉

越石勸進表注引補。愍帝崩于平陽。百僚更上尊號。是日卽皇帝位。類聚十三。

立紹爲皇太子。中宗任刑法。以韓子賜太子。書鈔

元帝以佐命功封周玘烏程公。又封王敦武昌公。御覽二

元帝封孔亭爲奉聖侯。不食戶邑。同上二

太興元年。改丹陽內史爲丹陽尹。類聚五十。御覽二百五十二。

太興元年。詔曰。亢旱穀貴。百姓嗷嗷。有資者貴糶。貧羸之民益困。漢世穀貴官賤糶。使價不超越。謂之平

準。今雖無此。可出閣米萬斛。使三分減一。以平其價。令貧困者悉得足。以至秋也。御覽三十五。

太興三年。元帝詔曰。朕應天符。創業江左。文選頭陀寺碑文注。

大旱經久。太興四年四月始雨。有奏。應報賽宗廟山川。中宗詔曰。祈廟云報賽。非奉尊上辭也。吾意有疑。

以爲舊山川有祈報故雨。賽非大事。不應告廟。臣子無要君之道。黷祭稱賽。于禮有違。御覽五百二十九。

元帝大典。鮮卑送鹽。書鈔

東海王越死。妃裴痛越棺柩被焚。乃招魂葬。越于丹徒。中宗以爲非禮。乃下詔曰。夫冢以藏形。廟以安神。

今世招魂葬者。是埋神也。其禁之。御覽五百五十五。又八百八十六。

王廙爲母立屋過制。中宗流涕凍之。帝所幸鄭夫人。袍無文繡。其恭儉率下如此。御覽四百三十一。

昔秦始皇東遊。望氣者云。五百年後。東南金陵之地。有天子氣。于是始皇改爲秣陵。塹北山絕其勢。今建

康卽秣陵西北界。所塹卽建康南淮中也。案始皇東遊之歲。至孫權僭號。四百三十七年。考之年數。卽不

合校之基字。又非倫。豈應帝王之符。而見兆于上代乎。有晉金行。奄君四海。金陵之祥。其在斯矣。且秦政東遊。至今五百二十六年。所謂五百年後當有王者也。類聚九十八。

肅宗明皇帝

肅宗明皇帝諱紹。字道畿。八字依初學記十引補。中宗長子也。建武元年。中宗為晉王。拜王太子。及踐阼。阼字亦依初學記補。尊

號為皇太子。冊曰於戲。朕承天緒。忝繼祖宗之洪基。君臨于萬邦。戰戰兢兢。若涉淵冰。未有攸濟。自古聖

王。敷宅四海。莫不建立元子。本枝百世。今稽古授爾于儲宮。以陪貳于朕躬。欽哉。爾其克念乃祖。日新厥

德。何遠非佞。何親非賢。欽翼師傅。以丕崇大化。可不慎歟。爾其敬之。御覽百四十六。

肅祖之在東宮。敬禮賢士。昵近明德。八字依初學記十引補。與溫嶠、庾亮並布衣之好。御覽四百七。

明帝以平錢鳳功。封王導始興公。溫嶠建寧公。庾亮永昌公。郗鑒南平公。卞壺建興公。蘇峻邵陵侯。劉泉

泉陵侯。應詹觀寧侯。卞郭疑作郭益陽侯。趙允湘南侯。御覽二百一。

大寧三年閏七月。帝崩。太子衍即位。尊明帝后庾氏為皇太后。九月癸卯。皇太后臨朝稱制。司徒王導錄

尚書事。類聚四十八。御覽二百十。

顯宗成皇帝

顯宗成皇帝諱衍。字世根。肅祖長子也。即位後。蘇峻及祖約阻兵作逆。詔庾亮、卞壺距之。戰于青谿。壺等

敗績。壺死之。亮奔江州。共陶侃、溫嶠、率衆下討峻。臨陣斬之。類聚十

成帝以平蘇峻功。封公者三人。侯者八人。又以討郭默功者三人。御覽二百

成帝咸康元年詔曰。有司條典。虔奉郊祀。燔柴既饗。芳氣清穆。其赦天下。令咸得自新。初學記二十

康皇帝

康帝諱岳。字世同。成帝同母弟也。成帝崩。上即位。年二十二。以上亦見世說注四 憂哀不忍言政。一委中書監庾冰。

類聚十三

孝宗穆皇帝

孝宗穆皇帝諱聃。字彭子。三字依文選薦譙元彥表注引補 康帝子也。建元二年。康帝疾篤。左光祿大夫領司徒謨。尙書令

恢。等上疏曰。臣聞皇義玄邈。五帝攸往。淳風澆散。三王傳嗣。欲令國有常君。民有定奉。關諸盛衰。不易之

道也。伏惟皇子天挺奇表。隆準豐下。岐嶷之姿。彰于始年。大成之風。顯于期月。宜建立儲宮。允副民望。請

下太史。擇吉日。告宗廟。備禮奉行。奏可。御覽百四十八

康帝崩。乃即位。時年十九。類聚十三

穆帝以平蜀功。封桓溫臨賀公。御覽二百

穆帝詔曰。實賴英宰淵謀。文選褚淵碑文注

穆帝升平二年。皇帝詔曰。伏飛督王饒。忽上吾鳩鳥一口。云以辟惡。此凶物。豈宜妄進。于是頓鞭饒二百。使殿中侍御史孫雲監臨。于四衢道焚燒之。初學記二十四。御覽六百四十九。又九百二十七。

哀皇帝

哀帝興寧元年。詔庭燎樹端門內。類聚八十。御覽八百七十一。

哀帝以平關洛功。封桓沖豐城公。御覽二百。

海西公

海西公以平袁真功。賜桓溫子偉爲西昌公。御覽二百。

太宗簡文皇帝

太宗簡文帝諱昱。字道成。類聚十三引。成作方。中宗少子也。母曰鄭夫人。永昌二年。封琅邪王。咸和元年。鄭夫人薨。

上時年七歲。哀號守誠。乞得服重。朝議哀之。故徙封會稽王。建元元年。詔曰。太常職典天地。兼掌宗廟。其

爲任也。可謂重矣。是以古今選建。未常不妙簡時望。兼之收之一作儒雅。遠通天人。洽暢神祇。會稽王叔履

尙清虛。志道無倦。優游諷議。朕所諮仰。其以王領太常。本官如故。自建元以下。依御覽二百二十八及書鈔引補。案書鈔誤引作元帝建武元年。康獻

皇后臨朝。建位撫軍大將軍。錄尙書六條事。二年。驃騎將軍何充薨。皇太后詔上內總萬機。海西公卽位。

七月。以琅邪王封絕。徙上爲琅邪王。封王子昌明爲會稽王。固讓不受。太和元年十月。詔會稽王體道沖

虛理識明允。阿衡孝文。有保乂之規。輔弼哀皇。盡翼亮之道。朕承洪緒。仍聞善誘。慎徽五教。儀形具瞻。登

賢顯親國之典也。其自會稽王體道以下。依御覽二百十引補。案類聚引作太和元年詔。以為丞相。錄尚書事。錄事二字。亦同依上引補。入朝不趨。讚拜不

名。劍履上殿。給羽葆。鼓吹。班劍。六十人。固讓不受。海西公廢。皇太后詔曰。會稽王英秀玄虛。神棲事外。文選

始作鎮軍參軍。經曲阿作注。于是大司馬溫及百官進太極前殿。具乘輿法駕奉迎于朝堂。變服著平巾幘單衣。東向拜

受璽。流涕即位。改太和六年為咸安元年。乙卯。廢太宰武陵王為庶人。二年三月乙卯。簡文詔曰。祿不代

耕。非經通之制也。文選上蕭太傅固辭奪禮啓注。七月。上不豫。己未。立皇太子昌明為皇太子。封皇子道子為琅邪王。領

會稽國。是日帝崩于東堂。在位二年。時年五十二。御覽九十九。

烈宗孝武皇帝

烈宗孝武皇帝諱昌明。太原誤宗第三子也。類聚十

寧康元年七月。桓溫卒。烈宗冲幼。桓溫威震外內。人情噂嗜。互生同異。謝安與王坦之盡忠匡翼。溫諷朝

廷欲為九錫。使驍騎將軍袁宏具草。時溫已疾篤。宏以呈安。安視輒云不好。更勾改之。使彌歷旬日。至于

溫薨。錫命遂寢。類聚五十三。御覽二百二。

以桓冲代溫都督諸軍事。烈宗詔曰。桓冲協隆治道。文選齊故陸昭王碑文注。

孝武詔曰。躬儉以宏下濟之惠。文選車駕幸京口侍游蒜山作注。

孝武詔曰誠存匪懈治道有寄也。同上宣德皇后令注。

太元二年興滅繼絕復故陳騫後浩之為高平公裴秀後球為鉅鹿公王沉後朴之為博陵公荀勗後軌

為濟北侯何曾後闡為朗陵侯羊祜後法興為鉅平侯。類聚五十一。

太元三年詔曰鹽者國之重利。書鈔。

安皇帝

安皇帝烈宗長子也册為皇太子曰岐嶷表于載誕克廣同乎大成是用命爾以登儲貳。初學記十。

安帝以興復功封劉裕等二十三人裕唱謀封豫章公萬戶劉毅南平公五千戶何無忌安成公劉道規

華容公。御覽二百。

安帝義熙元年禁絹扇及樗蒲。事類賦注扇御覽七百二。

恭帝

劉裕都督中外諸軍詔曰大司馬地隆任重親賢莫貳。雖府受節度可身無致敬文選行狀一注上下依晉書補。

元熙二年禪宋昔中宗以丁丑之歲是稱晉王改築宗廟使郭璞筮之云載祀二百及今禪代庚申之歲

凡百有二年而天祿永終璞精于術數理無乖二抑以百二期促故倒其詞為二百乎。御覽一百。

何法盛晉中興書卷二

懸象說一作垂象記

愍帝建興六年十一月光晦二日丙子日食十二月愍帝崩于虜庭開元占經九

元帝渡江歲鎮辰太白等四星聚于牛女之間御覽七

武王伐紂五星聚房漢祖入秦亦聚東井所謂先天弗違玉海百九十五引晉中興垂象記

大興四年三月癸未日中有黑子占經六

永昌元年十月辛卯日中有黑子是時中宗寵幸劉隗擅耀威福有傷君道王敦因之託晉陽之兵逼都

輦禍及忠賢故日有瑕也同上

成帝咸和二年五月甲申朔日食在東井女主之象明年皇太后以憂逼崩占經十引法盛懸象說

咸和五年三月壬戌朔日有食之是時顯宗已長幸司徒第猶出入見王導夫人曹氏如子弟之禮以人

君而敬人臣之妻有汚君德占經九

咸和九年十月乙未日有食之是時顯宗已冠當親萬機而妄敬大臣君道有汚也占經九

咸康八年正月己未朔日食京都大雨郡國以聞是謂三朝謂正旦為歲之朝月之朝日之朝王者惡之六月而顯宗崩

九占經

穆宗升平三年十月丙午日中有黑子如卵少時二字似有脫誤而孝宗崩占經六

升平四年八月辛丑朔日食幾既有崩爲天門人主惡之明年孝宗崩也同上九

哀帝興寧元年八月有星孛于亢入天市後有相龍朱靈寶之亂占經九

帝奔太和四年十月乙未日中有黑子明年海西公廢占經六

太和三年三月丁巳日有食之五年七月己酉日有食之皆海西被廢之應也占經九

孝武帝寧康元年十月己酉日中有黑子如李二年三月庚寅日又有黑子如雞卵二枚是年十一月己

巳日又有黑子大如雞子是時烈宗已長而康獻皇后以从嫂臨朝實傷君道故日有瑕占經六

太元十三年二月庚子日有黑子大如李十四年二月辛卯日中又有黑子二十年十一月辛卯日中又

有黑子是時會稽王以母弟專政故日有瑕占經六

太元二十年九月有蓬星如粉絮東南行歷女虛危至哭星其年烈宗崩占經八十六御覽八百七十五

安帝隆安元年十二月壬辰日暈有背孛是後帝不親萬機會稽世子元顯專行威罰占經八

隆安四年十一月星孛于貫索及天市中誤天津其時元顯輔政刑罰不中故掃貫索發徭無度故掃天

市建脫失節故掃天津天津關通萬川利關梁也天市貨脫財帛周百姓也貫索平察刑獄無枉濫也而

元顯皆反之。天若曰掃除穢惡，令改革也。顯不悅，遂致覆滅。占經九

隆安五年二月甲寅，有流星赤色，衆多。西行歷牽牛、虛危、天津、閣道，貫太微紫宮。桓玄篡位之應。占經七

元興元年十月，有客星色白如粉絮，出太微垣西，至十二月入太微。占曰：兵入天子庭。十二月，桓玄肆逆。

宿·有極位之脫也。占經八

義熙原作興·六年五月丙子，日暈，有背孺，是時盧龍循逼京師，戰于郊也。占經八

何法盛晉中興書卷三

徵祥說

成帝咸和四年陰霖五十餘日蘇峻滅後乃霽占經一百單一類聚二御覽十一

舊為羽扇柄者刻木以象骨翮用十毛取全數也中興初王敦始改用長柄使其下出可捉而滅其羽用

八識者以為服妖也柄使可執者是敦執國柄之象也毛減用八是羽翮損少而飛蠹不終之兆一作應也

占經百十四事類賦注十四御覽七百二引中興徵祥說

海西公初即位忘設豹尾亦服妖也夫豹尾儀服之主大人之所以豹變也而海西公豹變之日四字依占經百十四

引補非宜可忘之時天若曰海西公凡庸不可以主社稷故亡其豹尾示不能終也御覽四百九十又六百八十書鈔

太元中人不復著摻頭亦服妖也頭□□親戚起占經百十四

舊為屐者齒皆達名曰露卵太元中忽不復徹名陰卵亦服妖也識者以為卵謀也必有陰謀烈宗末驃

騎參軍袁悅之始有陰謀之事及隆安遂致大亂御覽六百九十八

太元中公主婦女束髮緩鬢傾一作假髻以為盛飾用髮豐多不可恆一作行戴乃先于籠上掖一作扶又之

名曰假髻以上亦見書鈔或曰假頭至于貧民不能自辨自一作目號無頭就人借髻亦服之妖也無幾時烈宗晏

駕而天下騷動二十年中兵革不息孫恩之亂刑斬無數桓玄之役死者萬計凡被戮之家多無頭首至大斂時皆以繩縛菰草爲頭是假髻之應也

御覽七百十五又七百六十四書鈔

烈宗世會稽王道子輔政于府內園中穿池築山山池之間處處有肆婢酷賣肉于其中道子將見幸乘船至酒肆輒攜入肆買肉酒狀如市廛以爲笑樂

御覽八百二十八

大興二年吳郡米無故壞盡貨糴之屋亦無故壞天戒若曰五穀湧貴無所糴賣不復須屋時陽亡人大飢餓死者十二三萬

占經百十四

王敦在武昌架屋五間已構五木一宿梁墜地桁在柱上甚危無幾作亂敦滅

同上

元興二年大桁門上屋自壞桁門者蓋古之雉門都城之門也王者所由出入是時孝安棋默警蹕之響未嘗至于雉門而桓玄之篡成也

同上

烈宗起清暑殿識者非之曰清暑反語楚聲也今起殿以酸楚之聲爲號非吉祥也頃烈宗崩後桓玄篡

自號楚

占經百十四御覽百七十五

桓玄鎮姑熟屋壁先畫作黃盤龍號盤龍齋俄而玄敗將軍劉毅居之毅小名盤龍

御覽百八十五引晉微祥說

咸和十六年夏旱十七年秋冬旱是時烈宗仁恕信任會稽王道子亦舒緩之應

御覽八百七十九案此節有誤

隆安二年冬旱且寒甚四年夏五月秋旱時孫恩作亂桓玄疑貳內外騷動兵革方興

御覽八百七十九

哀帝隆和中。謠曰。升平不滿斗。隆和那得久。桓公入石頭。陛下徒跣走。哀皇聞而惡之。改爲興寧。又謠曰。雖復改興寧。只自無聊生。尋哀皇中藥。不識萬機。占經百十三。

帝奔太和中。童謠曰。青青御路楊。白馬紫游繩。汝非皇太子。那得甘露漿。又曰。鳳凰生一雛。人見無不喜。謂言是馬駒。何悟成龍子。是時海西公寵念殿中常侍向龍朱靈寶等。因共爲亂。生子男三人。海西以爲己

子。將欲立之。旣而被廢。以馬繩殺三子。三子死。南方獻甘露。公卿三子不得甘露。占經百十三。

義熙初童謠云。官家養蘆化成一作花作二字。荻蘆生不止自成積。是時盧循竊據廣州。國未能討。因而用之。是

官養之蘆也。荻猶敵也。類聚八十二。御覽十卷。

大興二年。吳郡府舍地中得犬子二頭。一雄一雌。太守張懋聞齋內牀下犬子聲。地自拆。見有二犬。取而

養之。皆成。尋懋爲沈充所害。占經百十九。

晉孝武帝太元中。廬江灊縣何旭家。忽聞地中有犬子聲。卽于聲處掘之。見一狗突出。甚柴瘦。走入菰中

不知所往。視其處有犬子二頭。一雌一雄。取而養之。雌死雄活。及長。爲犬善噬野獸。其後旭里中爲蠻所

沒。同上

安帝隆安中。輔國將軍孫無終家。忽一日地中聞犬子聲。尋地拆。有犬子皆白色。一雄一雌。取而養之。皆

死。後無終爲桓玄所誅。同上

安帝元興元年八月庚子。尚書下舍火。是時桓玄用事。出鎮姑蘇。身雖二字一作雖名出外。實遙錄尚書事也。故天火示不復用也。御覽二百十書鈔

孝武帝太元二十年冬無雪。亦猶春秋之無冰。恆燠之罰也。是時信任會稽王道子。縱酒宴樂。不郵政事。舒緩之應也。御覽八百七十九

安帝義熙中。宮城上及御道左右皆生蒺藜。亦草妖也。御覽九百九十七

咸和初。鷓鴣集太極殿。殿非鷓鴣所處。鷓鴣湖澤鳥也。時蘇峻作逆。宮室被焚。御覽九百二十五

孝武帝太元十年。鷓鴣巢太極殿東鷓尾。御覽百八十八

成帝咸和元年。司徒府羊產無後足。其後蘇峻作逆。占經百十八

簡文帝咸安元年。濤水入石頭。俄而海西公廢。孝武帝大元十三年十二月戊子。濤水入石頭。毀大船

沉殺人。己亥。江水湧起。建康秣陵江。滄沒殺人。陰旺之應也。占經一百

元帝太興四年冬。大寒。民凍死。是時王敦肆亂。天子不能禁。任意專殺。戮及大臣。占經一百單一。御覽八百七十九

太興二年二月。雨水冰。其後有王敦之亂。占經一百單一

元帝太興二一作三年。海鹽縣雨雹。大如鴨子。御覽十四編珠一

太和當作太元三年四月。雨雹。是時王道子輔政。姦佞競進。烈宗不能禁絕。王室大亂。占經一百單一

元帝太興元年十一月。京都雷震。凡未應雷而雷。皆恆燠也。御覽八百七十六。

穆帝升平二年十一月。雷是皇太后臨朝。政舒緩也。占經一百單二。御覽八百七十六。

安帝元興三年秋。永安王皇后自巴陵一作防。將一作特。設威儀入宮。天大雷。震人馬多死。多死二字一作一疋俱。占經一百單二。

御覽八百七十六。

大興二年。天鳴東南有聲。如水相薄。三年又鳴。後哀帝疑作帝。廢。御覽一。

元帝太興二年。徐州及揚州之西江郡蝗。三年。冀州蝗。皆為肆暴之徵。孝武帝太元十六年。棠邑界有

蝗。廣千里。長三十里許。从南來。其飛蔽天。害苗稼。是時官以賄成。皆入私庫。貪私苟得之徵也。占經百二十。

成帝咸和四年。廬山西大巖崩。俄而郭默害江州刺史劉胤。伏誅。類聚六。

元帝永昌元年。大風拔樹百根。編珠一。

孝武帝寧康三年。秦建元十一年。苻堅長安大風。原引誤作苻堅三年長安大風。堅宮中樹悉拔。是歲王猛死。御覽八百七十六。

桓玄入建康宮。逆風迅激。旗幟飄亡。儀飾一皆傾偃。是月酷寒。此日尤甚。急恆寒若之應也。又出遊門外。

飄風飛其儀蓋。御覽八百七十六。

恭帝之為琅琊王。好奇戲。門一疋馬于門內。令人射之。欲觀幾箭而死。左右曰。馬國姓也。而射之。不祥甚

矣。乃止。俄而桓玄篡位。御覽八百九十。五引中興書。

明帝大寧中。武昌有大蛇居神寺神樹上。出頭從人受食。案京房易妖占曰。大蛇見神祠。不出三年。有大兵。國有大憂。時王敦作逆。占經百二十。

明帝大寧元年十一月。黃霧四塞。王敦之應。開元占經一百一。此節亦見御覽八百七十八。

成帝咸和元年。大霧。步武不相見。會稽王道子專政之應。御覽八百七十八。同上。引晉書亦作如此。

王者敬養耆老。則甘露降于松柏。尊賢容衆。不失細微。則行葦受之。甘露者仁澤也。其凝如脂。其甘一作美。

如飴。王者德至于天。則降。初學記二又二十八。事類賦注三。御覽十一又八百七。

王者德至天氣感而甘露降郡縣。魏甘露元年。二字原誤作七十。類聚九降譙。降盱眙。方七十五畝。類聚九十八。

武帝時甘露降。公卿奏賀。詔曰。三代盛隆。猶自戒勿休。況自頃懸象告變。盜賊充斥。百僚司牧。不能存職。

匪懈。使道有寄。雖麟鳳不至。慶有餘矣。若此道未宏。雖四靈在郊。吾猶懼然。何甘露之足賀。其停之。御覽五百三十四。

王者不隱其過。則玉璧見。不斲自成。光若日月。愍帝建武元年。江寧民虞迪墾地。得白玉麒麟。墾一枚。文

曰長壽萬年。安帝義熙十二年。左衛兵陳湯于府前淮水中。得玉璽一枚。璽亦璧也。占經一百十四。類聚八十三。御覽六百八

十二。又八百六。

金勝一名金稱。援神契曰。神靈滋液。百珍寶用。有金勝。金勝者仁寶也。不琢自成。光若水月。四夷賓服。則

金勝一名金稱。援神契曰。神靈滋液。百珍寶用。有金勝。金勝者仁寶也。不琢自成。光若水月。四夷賓服。則

出穆帝永和九年。一作晉孝武時。陽穀民得金勝一枚。長五寸。狀一作形。如織勝。後桓溫平蜀路。此四方來服之應

也。占經一百十四。書鈔七百十九。御覽。

主德盛則神鼎見。神鼎者仁器也。能輕能重。能息能行。不炊一作灼。而沸。不汲而一作自。盈。一作滿。細縕之氣。自

然而生也。亂則藏于深山。文明應運而至。故禹鑄寶鼎以擬之。成帝咸康八年。陽穀民劉珪夜見光。取得

玉鼎一枚。□□四寸。此文明之應也。占經一百十四。類聚七十三事。類賦注鼎。御覽七百五十六。

成帝咸和元年。宣城春穀山崩。得古鼎。重三百斤。容可三斛餘。羣臣畢賀。御覽七百五十六。

義熙十一年。霍山崩毀。出銅鐘六枚。上有古文科斗書。人莫能識。初學記十六。御覽五百七十五。

王者盛德則嘉禾生。嘉禾者仁卉也。其大盈箱。一稔二米。國政質則同本而異穎。國政文則同穎而異本。

御覽八百七十三。

嘉禾者仁草也。夏時異本同穎。殷時同本異秀。周時三穎同秀。玉海百九十七。

王者德盛則嘉禾生。仁卉出。安帝義熙十三年。鞏縣民宋曜于田中穫嘉禾。九穗同本。九穗九州也。是時

□羌平。六合寧。御覽八百三十九。

王者德澤純洽。八方同一。則木連理。連理者仁木也。或異枝還合。或兩樹共合。建元當作建武。元年。木連理

四。一生膏當作膏。山。一生武昌。一生汝陰。一生汝陽。太興元年。又生武昌。類聚九十八。

鳳晨鳴曰發明。晝鳴曰保長。舉鳴曰上翔。集鳴曰歸昌。昏鳴曰固常。雄鳴曰卽卽。雌鳴曰足足。古微書十一。

仁智之禽。鵠頸而龜腹。白帖

永和九年。吳郡獻白鳶。御覽九百二十三引中興書徵祥說。

白鳥仁禽。宗廟肅敬則見。玉海百九十九。

麒麟者。毛蟲之長也。仁獸也。牡曰麒。牝曰麟。牡鳴曰遊聖。牝鳴曰歸和。夏鳴曰扶幼。秋鳴曰助積。末二字一作養綏。

御覽八百八十九。初學記二十八。

麟麇一作身。牛尾。狼頭。一角黃色。馬足也。初學記二十八。御覽八百八十九。

麟者應也。孟與聖為期也。麟角上有肉。示不傷也。古經一百十六。

麟一角為天祿。兩角為辟邪。無角為符拔。古微書十。

天下太平則騶虞見。騶虞者仁獸也。狀如白虎而黑文。其尾參倍。昔召公化行陝西之國。而騶虞應見。類聚

九十

王者仁而不害。則白虎見。白虎者仁獸也。狀如虎而白色。嘯則風興。縞一作縞。案此字自係縞字之誤。身如雪。一作雲。而無

雜毛。八字一在嘯則。風興之上。者是也。近代所謂白虎者。背斑而虎文。爾雅所謂彪虎者也。古經百十六。類聚九十九。

中興所在獻白麇。類聚九十五。

成帝咸和六年。會秀才于樂賢堂。有野麕走至堂前。獲之。書鈔

白鹿者仁獸也。王者明惠下及。則見。色若霜雪白。牝牡不與。紫鹿爲羣。占經百十六。

白兔仁獸也。王者尊敬耆老。則見。占經百十六。

元帝時有二白麕。見于南昌郡。御覽九百六引孫氏瑞應圖曰。晉中興書云云。

哀帝興寧元年十月。麕入東海王宮。麕主也。將爲天下主之徵。後哀帝崩。東海王卽位。占經百十六。

孝武帝太元十四年六月。寧朔州刺史賈統上言。晉寧須池縣。此月辛卯。有馬二疋。出于河上。一白一烏。

盤戲相逐。河水上。从卯至巳。乃沒。占經百十八。

何法盛晉中興書卷四

謝夫人

謝夫人名玖。家本貧賤。父以屠羊爲業。玖清惠真正。有淑姿。選入後宮爲才人。御覽百四十五。

元夏侯太妃

中宗母王太妃夏侯氏。字光姬。一字銅環。太妃爲恭王妃。生中宗。王薨。中宗嗣立。稱王太妃。永嘉元年薨。還葬琅邪。御覽百五十一。

元敬虞后

元敬皇后虞氏。字孟母。濟陽外黃人也。祖壽。撫軍大將軍掾。父豫。太傅參軍。中宗之爲琅邪王。納后爲妃。永嘉六年薨。後封豫妻王氏爲邢陽縣君。从母散騎常侍新野王罕妻爲平陽鄉君。御覽百五十一。又二百二。

明荀太妃

肅祖太妃豫章恭惠君荀氏。初以微入宮。生肅祖。中宗以母賤。命虞妃母養肅祖。而出嫁荀爲馬氏妻。太寧元年。馬氏無疾而卒。肅祖迎母還宮養。稱建安君。御覽二百二。

咸康元年。肅祖太妃荀氏薨。顯宗詔曰。朕少遭閔凶。慈訓無稟。文選齊敬皇后哀策文注。

追贈豫章君諡曰恭惠。御覽二百二。

明穆庾后

明穆皇后庾氏諱文君左將軍琛第三女也。后少以珪璋特異令儀淑美。八字亦見書鈔。故中宗爲肅宗納焉。初

爲世子妃仁和有禮深見敬重。御覽百三十八。

太寧元年六月立爲皇后策明穆皇后曰正位閨房以著協德之義。文選齊敬皇后哀策文注。

贈琛爲車騎將軍母邱氏封安陽縣君从母荀氏永宣縣君。御覽二百二。

后生顯宗成皇帝顯宗卽位尊后曰皇太后羣臣奏天子幼冲宜依漢和熹皇后故事后辭讓數四不得

已遂臨朝攝萬機蘇峻作逆王師敗績后以憂逼崩時年三十三。御覽百三十八。

成恭杜后

成恭皇后杜氏陵陽京兆人也成帝贈后母裴氏爲廣德縣高安。一作安樂。鄉君。此句亦見書鈔。賜錢百萬布五百

疋。御覽二百二。

康獻褚后

康獻皇后褚氏字蘇子。二字一作蘇。太傅裒之女也。后聰明有器識以名家女入爲琅邪王妃生孝宗穆皇帝。

康帝卽位立爲皇后。封母謝氏爲尋陽縣君。御覽二百。穆宗卽位尊后曰皇太后。

奏曰。伏惟陛下臨朝攝政。以寧天下。書鈔

于是臨朝稱制。同上

秦元元年太后詔曰。皇帝婚冠禮備。遐邇宅心。宜當陽親覽。緝熙惟始。今歸政事。率由舊典。于是復稱崇

德太后。九年崩于顯揚殿。御覽百三十八

穆章何后

穆章皇后何氏。字法倪。司空充之女。追贈父充光祿大夫。封晉興侯。母孔氏。長樂鄉君。御覽二百二

哀靖王后

哀靖皇后王氏。字穆之。司徒左長史濛之女也。初爲琅邪王妃。哀帝卽位。拜爲皇后。追贈父濛金紫光祿大夫。封晉安縣侯。母愛氏。爲安國鄉君也。御覽二百二

海西孝庾后

海西孝原誤李皇后庾氏。字道憐。司空冰女也。初爲海西王妃。海西卽位。拜爲皇后。太和元年崩。葬敬平陵。

帝廢。追貶海西公夫人。無子。御覽百五十一

簡文宣鄭太后

簡文宣太后鄭氏。諱一作字阿春。滎陽人。少孤。先適一作嫁渤海田氏。生一男。夫亡。后依于舅濮陽吳氏。時中

宗爲丞相。敬后虞氏先崩。將納吳氏女爲夫人。后及一作與吳氏女並遊後園。有見之者。言之于中宗曰。鄭

氏女雖殘居。賢于吳氏遠矣。遂以德色納爲夫人。甚有寵。生簡文帝。以上亦略見世說注三后雖貴幸。而恆有憂色。中

宗問其故。對曰。妾有妹。中者適長沙王。襲餘二妹未出。恐姊旣爲人妾。無復求者。中宗从容謂劉隗曰。鄭

氏有二妹。卿可求佳對。使不失舊。隗舉其从子備娶第三者。以小者適漢中李氏。皆得舊門。帝稱尊號。后

雖爲夫人。詔太子及東海武陵王皆母事之。帝崩。后稱建平園夫人。咸和元年。原作九年誤。蓋薨。御覽百簡文帝時只七歲。

簡文帝卽位。尊之曰文宣太后。世說注三

簡文順王后

簡文皇后王氏。字蘭姬。后以冠族。太宗納焉。初爲會稽王妃。生子道生爲世子。並失太宗意。后及道生俱

被幽廢。以憂薨。烈宗踐阼。追尊曰順皇后。御覽百五十一

后驃騎將軍述之再從妹。追贈前夫人成氏東豐縣君。後夫人成氏東興君。同上二百二

孝武文李太后

孝武太后李氏。以微賤入爲會稽王宮人。夢兩龍枕。鄰日月入懷。太宗異而召之。生烈宗。類聚九十八

孝武定王后

孝武定皇后王氏。字法惠。寧康三年。中軍將軍桓沖。侍中臣康。奏晉陵太守王蘊女。天性柔順。惠心塞淵。

四字亦見儀度既同四業允備且盛德之兆美善先積參議可以配德乾元恭承宗廟貞進六宮母儀天下
書鈔。故烈宗納焉。御覽百三十八。

王蘊以后父徵拜金紫光祿大夫封建昌侯母劉氏平樂鄉君。同上二

后性嗜酒驕妬帝深患之乃召蘊于東堂具說后過狀令加訓誡蘊免冠謝焉后于是少自改飭太元五

年崩。御覽百三十八。

安德陳太后

安德太后陳氏松滋人也諱歸女父廣以倡進仕至平昌太守后以美色能歌彈入宮初爲淑媛生安恭

二帝太元十五年薨贈夫人追崇曰皇太后。御覽百三十八。

臨海公主惠帝第四女羊皇后所生初封清河公主未出適值永嘉亂。以上亦見初學記十。傳賣長城民錢溫溫以

送女女遇主甚酷主自告吳興太守周札以聞于是殺溫及女適譙國曹統。類聚十六。御覽百五十二。

南康宣公主興男明帝長女庾后所生初封遂安縣主適桓溫。御覽百五十二。

新安愍公主道福簡文第三女徐淑媛所生適桓濟重適王獻之。御覽百五十二。

名家應運。書鈔。修序婦道。同上。

修教于內正立閨房。白帖。正位居體美在其中。同上。

何法盛晉中興書卷五

百官公卿表注表一作志

虞譚、陳略、曹毗、毛安之、並爲左衛將軍。御覽二百三十七。

哀帝興寧二年，桓溫奏省散騎常侍二人，復置四人。凡一省文書表奏意異者爲散騎常侍，比于侍中，貂

璫插右。書鈔

博士之職，非徒博習舊說，訓教學徒而已。端委佩玉，朝之大典，必于詢度。一作必詢度之。當以正道克厭人望，然

後爲可。書鈔二百二十九。御覽

齊王攸爲司空，行太子太傅事。書鈔引中興書百官公卿表注。

王導以驃騎將軍儀同三司，領太子太傅。書鈔

惠帝在東宮，以中舍人與中庶子共治文書。注：武帝咸寧初置中舍人。書鈔引中興書百官公卿志注。

在漢武帝時，南平百越，始置交阯、九真、日南、合浦、南海、鬱林、蒼梧，凡七郡，立交州刺史以統之。以州邊遠，

山粵不賓，宜加一作振威重，故刺史輒假節，七郡皆加加一作假。書鈔御覽五百六十七。漢制，人君特寵，皆賜之封

邑。書鈔

元帝以佐命功封周玘烏程公。又封王敦武昌公。御覽二百

元帝封孔亭爲奉聖侯。不食戶邑。同上二百一

明帝以平錢鳳功封王導。王導二字原引闕始興公。溫矯建寧公。庾亮永昌公。郗鑒南平公。卞壺建興公。蘇峻邵陵

侯。劉暵泉陵侯。應詹觀寧侯。卞郭益陽侯。趙胤湘南侯。御覽二百

元帝當作成帝咸和元年詔封魏後曹勵爲陳畱王。類聚五十一御覽二百一

成帝以平蘇峻功封公者三人。侯者八人。又以討郭默功者三人。御覽二百

穆帝以平蜀功封桓溫臨賀公。御覽二百

哀帝以平關洛功封桓沖豐城公。同上

海西公以平袁真功賜桓溫子偉爲西昌公。同上

孝武帝太元二年興滅繼絕復故陳騫後浩之爲高平公。裴秀後球爲鉅鹿公。王沉後朴之爲博陵公。荀

勗後軌爲濟北侯。何曾後闡爲朗陵侯。羊祜後法興爲鉅平侯。類聚五十一

安帝以興復功封劉裕等二十三人。裕以唱謀封豫章公。萬戶。劉毅南平公。五千戶。何無忌安成公。劉道

規華容公。御覽二百

何法盛晉中興書卷六

威蕃錄

彭城王紘以肅祖明皇帝好佛。手畫形像。經歷寇難。而此堂猶在。宜成作頌。蔡謨云。今發王命。稱先帝好佛。于義有礙。文選頭陀寺碑文注。

譙閔王承字士敬。爲湘州刺史。中宗謂承曰。湘州南楚險固。在上流之要。控三州之會。是用武之國也。今以叔父爲之。書鈔

譙王承鎮湘州。至武昌。釋軍備。見王敦。敦因宴集。謂承曰。大王雅素佳士。非將御才也。承曰。公未盡耳。安知鉛刀不能一割。承以敦欲測其情。故發此言。敦果謂錢鳳曰。彼不知懼而學壯語。此之不武。何能爲聽承之鎮。御覽百五十一

譙王承爲湘州刺史。王敦遣參軍桓熙說承。以劉隗專寵。令討之。請承爲軍司。承歎曰。吾其死矣。地荒民尠。勢孤援絕。赴君難忠也。死王事義也。死忠與義。亦復何求。便唱義衆。府長史長沙人虞悝。慷慨有志節。共盟誓。囚桓熙。馳檄湘州。于是一州之內。並皆同赴。同上四百十七

司馬無忌讓屯騎校尉之任。職典禁兵。宿衛事重。必宜其人。豈臣微弱。所克堪也。書鈔六十一

褚裒爲江州無忌于坐拔刀斫者之哀與桓景共免之御史奏無忌欲專殺害詔以贖論世說注二十

譙原闕王恬無忌子字元愉一作逾爲御史中丞值海西公廢太宗卽位未解嚴大司馬桓溫屯軍中堂夜吹

警角御史中丞司馬恬奏劾大不敬請治一作理罪明日溫見奏事嘆曰此兒乃敢彈我真可畏也初學記十卷

鈔御覽二百二十六

梁王珍之初桓玄篡位國人有孔璞者奉珍之奔尋陽義旗旣興歸朝廷仕至太常卿以罪誅世說注八

南頓王宗之字延祖拜左衛將軍爲肅祖所昵委以禁旅御覽二百三十七

元皇以明帝及琅邪王哀並非敬后所生而謂哀有大成之度勝于明帝因从容問王導曰立子以德不

以年今二子孰賢導曰世子宣城俱有爽明之德莫能優劣如此故當以年于是更封哀爲琅邪王世說注二

注二

東海原闕王冲爲長水校尉年十一高選綱佐以劉耽爲司馬顧和爲主簿書鈔

武陵威王晞爲桓溫所忌表晞廢王徙新安郡受拜流涕書鈔引晉中興書威蕃錄

武陵威王晞爲桓溫所收忠敬王少子也被廢後新安王遵初封新寧王年十二受拜流涕哀感左右將

軍桓伊嘗造遵遵怒門人曰何通桓氏門人曰桓伊與桓溫疏宗相見無嫌遵曰我聞人姓木邊便欲殺

之況諸桓乎由是少稱聰察及長輒凡退無復名望御覽百五十一

會稽文孝王道子。初封琅邪王。領會稽王。太元八年。以錄尚書六條開府領司徒。太元十一年。又領揚州錄尚書事。太元十七年。徒爲會稽王。

安帝即位。公卿奏進位丞相揚州牧。假黃鉞羽葆。書鈔。類聚六十八。

武陵王令曰。丞相墳塋翳然。飄薄非所也。文選爲宋公修楚元王墓教注。